




Ex Bibliotheca  
majori Coll. Rom.  
Societ. Jesu

12  
19  
e  
12

72 72  
6  
72  
12  
12





# BASSIANI

## LANDI PLACENTI

NI, MEDICI AC PHILO-  
sophi excellentissimi,

### IATROLOGIA.

Dialogi duo, in quibus de uniuerſæ artis  
Medicæ, præcipue uero morborum om-  
nium & cognoscendorum & curando-  
rum absolutissima Methodo, per  
quàm eleganter ac doctè  
disseritur.



*Cum Cæsareæ maiestatis gratia & pri-  
uilegio ad quinquennium.*

*U. Guald. D. Lan: & Robey*

B A S I L E A E.



INDEX

21. 11. 1914

317

10

ILLVSTRISSIMO  
 FERRARIAE DVCI HER-  
 culi Estensi secundo, *Bassianus Lan-*  
*duc Placentinus S. P. D.*



VM rerum causas animo  
 contemplor, & memoria  
 repeto diuinam providen-  
 tiam summi Opificis, qua  
 cuncta reguntur & guber-  
 nantur, tum mihi uenit in  
 mentē Alius ueteris opinio-  
 nis, quæ profitetur, homi-  
 ni uitam perexiguam datam esse: atq; adducor, ut  
 illam nec usquequaq; explodendam esse putem,  
 nec omnino recipiendam, si uiuendi genus homi-  
 num distinguere ac cognoscere quisq; nostrum  
 uoluerit. Nam is ipse diu se uiuere arbitratur, qui  
 bene honesteq; uiuit, atque ratione, qua differt à  
 brutis; in toto uitæ cursu probe utitur, propterea  
 quod in omnibus rebus gerendis finem sibi termi-  
 numq; semper destinat, quò refert omnem ratio-  
 nem, & cuius causa omnia facit, in spem consequē-  
 di illum adductus: & in hoc, ubi positus est, quasi  
 in maxima felicitate constitutus acquiescit, atq; fa-  
 tis naturæ se uixisse credit. Qui uero turpē uitā de-  
 git, & ocio abutitur, nulloq; uti iudicio, sed more  
 bestiarum instinctu naturali fertur, & cæco erro-  
 re ductus nihil præclarū animo agit, nihil delibe-  
 rat, nihil apud se statuit, is de hac breui lucis usura

## E P I S T O L A

conqueritur, quippe qui ex ante acta uita se uixisse non sentiat. Itaque in humanis actionibus nihil existimo & honestius & iucundius esse, quam magna ope niti, ut testemur nos aliquando in usus fuisse, ne hanc uitam silentio ueluti pecora transigere uideamur. Quicumque igitur labores ac industriam suam in aliquem honestum finem, & homine libero dignum confert, ille mea quidem sententia prudens est & sapit, tum quia sibi suisque studiis optime prospicit, tum quia accommodat rationem & artem, in eum quem natura tribuit usum. Ego uero tametsi ad medicinam serius, quam alij solent, accessi, id tamen non ideo feci, quia certi nihil mecum antea constituissem, sed rectum consilium bonae ratione, in hoc studij genere, nisi me mea fallit opinio, iniui. nam uarijs in artibus & scientijs uersari quidem placuit, sed ita, ut in illis quasi in umbris quibusdam me exercerem; & ueluti in speculis intuerer me, ad haec ipsa, quoad fieri posset, diligentius expolirem: eos sane imitatus, qui ad certamen sese comparant, quo & saltu & motu manuum in ludo exercitati, callidius in pugnam descendant. Et certe quidem magnum certamen nobis incubuit, cuius gratia multa prius tentanda fuerunt. Poetas enim, oratores, philosophos, & caeteros bonos scriptores, euoluendos esse mihi duxi, unde ad ingenij exercitationem aliqua tandem esset rei medicae accessura utilitas. Nam ut plantarum propria uis est, fructus producere, afferunt tamen ornatum aliquem & rami frondescetes: sic philosophiae quidem preopuus fructus est, cognitio & ueritas; medicinae  
autem,



N V N C V P A T O R I A .


autem, curādi sanandī ue ratio . nihilominus non  
 dedecet utramque ornari hac externa sapientia ,  
 quæ & fructui tegumentum præbeat , & speciem  
 inuentibus lætiorem ostendat: id quod uiros insi-  
 gni doctrina præditos olim fecisse scio. At uerò nec  
 oratoribus ita me addixi , ut putauerim solū esse  
 conquiescendum in ornamentis tam uerborum ,  
 quā sententiarum : nec ad poetarum fabulas sic  
 animū adiūxi , ut apud illos tanquam ad scopulos  
 Sirenaeos mihi cōsenescendū esse existimauerim :  
 nec philosophiæ tantum inhæsi, quin ad studiā hu-  
 mano generi utiliora me auocari cognoscerem . in  
 quibus , si aliquid sum futurus unquam , id omne  
 I O A N N I B A P T I S T A E M O N T A -  
 N O acceptum feram : tum quia is semper quam-  
 uis sponte currentem me excitauit , ut medicinam  
 cum philosophia ad meam utilitatem coniungerē:  
 tum etiam, quia propriam medendi rationem, que  
 tot abhinc annis incognita fuit , iam biennium mi-  
 hi cæterisq̃ bonarum literarum studiosis commō-  
 strat , atque sine fuco & fallacijs communicat . Ex  
 quo mediūsfidius non diffiderem, quin eam exa-  
 ctē consequerer, si maturius talis tantusq̃ medicus  
 mihi contigisset. An uerò aliquam partem sim cō-  
 sequutus, periculum facere uolui in conscribendis  
 de re medica duobus Dialogis , in quib. me ipsum  
 potius sub persona amicorum, quos facio loquen-  
 tes, exerceo, quā alios erudio. Alter quidem bre-  
 uem quandam morbos inueniendi methodum cō-  
 tinet, in altero uero curandi modus exponitur. at-  
 que in utroque, quantum fieri potuit, latini sermo.

## E P I S T O L A

nis puritas & perspicuitas orationis seruat, ut res, quæ per se obscura & abstrusa erat, clara apertaq; emendata locutione redderetur. Quo fit ut magnopere uerear, ne medici nostri temporis, si forte in eos inciderint, temere calumnientur: quippe qui homines politionis literaturæ & interioris disciplinæ amantes, cane peius & angue oderint: atq; adeo præceptorî meo semper eo molesti fuerint, quod methodum profiteatur, quid nunc credis mihi discipulo facturos, simulatq; senserint de illa conscribi Dialogos? Itaq; cum uoculas huiusmodi hominum & maledicta timerem, & mecum ipse cogitarem, atq; sæpius animo repeterẽ, sub cuius Principis, aut honesti uiri patrociniõ tuti forent ij nostri Dialogi, si forte fortuna in uulgus exiissẽt, tu unus ex omnibus occurristi, à quo possent iure auxiliũ implorare. Nam ut omittam auctoritatem summã, quã polles, & penẽ diuinam gratiam, quã te magnis regibus omnibusq; hominibus iucundum et amabilem facit, atque linguæ latinæ ac græcæ peritiã ita mirabilem ut nemini qui sit tui ordinis in tota Italia secundus habearis, beneuolentiæ, quam proximis annis sane mirificam erga me ostendisti, plurimum confido. unde in eam mentem facile impellor, ut mihi persuadeam, ut si tua ope uti necesse sit, nusquam sis defuturus: & eò sanẽ, quod à natura comparatum habes, ut sponte tua studiosis iuuenibus quantum potes benigne facias, & bonas artes promoueas. Id quod ego postquam cognoui, abiecta omni cunctatione hosce meos dialogos, qualescunq; sunt, ad te mittendos curauĩ, non quia existĩ

# N V N C V P A T O R I A .

existimem ea arte conscriptos, & ea oratione stilos  
factos esse, ut digni sint qui sub tuis auspicijs pro-  
deant in lucem: sed si casus aliquis ferrer, ut ad ma-  
nus malorum medicorum peruenirent, tuo patroci-  
nio defenderes. Cape igitur hoc nostrum munu-  
sculum: longe maius & honorificentius alterum, si  
per ociū licebit, in posterū accepturus. interea hoc  
fructu, atq; tibi persuade, esse quoddam testimoni-  
um meae singularis in te benevolentiae ac ob-  
servantiae. Vale, & me ut  
cepisti ama.



BASSIANI LANDI PLACENTINI PHILOSOPHI ET  
medici Iatrologia.

IACOBVS BONFADIVS. Petrus Cassius.



AE PENVMERO, P.  
Cassi, admirari soleo, quid sit, cur in uoluntate hominū, eius artis uel disciplinae mira quaedā cupiditas relinquatur, cuius laudes et usus crudita ac splēdida oratione efferri in coelū audiūtur: ex quo plerūq; fit, ut nihil in natura rerū illi esse desiderabilius & admirabilius rati, magnopere cōcupiscant. id quod sanē mihi nūc sentio accidisse. Quo enim crebrius ea memoria repeto, quæ nuper audiui, eo uehemē tiori studio cōcitor. Quamobrē peropportune commodeq; aduenis, nec alium quidē, quā te ipsum, mihi obuiam dari hodie cupiebam, a quo certē arbitror posse hoc nostrū desideriiū facile leniri & expleri. Cass. Nō mehercle  
A ob

ob aliud honestarū rerū, quibus damus aures,  
igniculos et uim concupiscendi in nobis excita-  
ri & ingenerari puto, quā quod in maximis  
bonis illas ducimus. Sed quid est quod me uis?  
Bonfad. Scies, si paulisper colloqui tecum  
liceat. Cass. Quid ni, obsecro, liceat? imò nō  
poteras meliori tempore mecū congregi. A-  
ge porrò tu, dic sine ulla cunctatione. Bonf.  
Heri non multo pōst quā te reliqui in Bem-  
bi hortis, Archigenē medicū familiarem me-  
um, atq; eundem tuā, animi causa adiui. is, ut  
scis, mei amantissimus, & colloqui sanē q̄ stu-  
diosus, serō me dimisit. Domū redij, Hortē-  
sium et Iuliū offendi de arte medica diuinitus  
disputātes, quorū oratione magnopere sum re-  
creatus. Præter enim quā quod sententiarū  
grauitate animum meum oblectabant, suauita-  
te etiam dicendi miris modis demulcebāt, ita  
quidem, ut quāuis in multam noctem produce-  
retur sermo, tamē quā breuissimus mihi esse  
uideretur. Ex quo, si quis mortalium unquā,  
ego nunc medicinæ desiderio maxime teneri  
incipio. sed in illam hercle ingrediendi, nullā  
ratio.

rationem prorsus inire possum. Propterea a-  
ueo ex te audire, et quid consilij des, & quā uī  
am mihi præmonstres. Cass. Nempe nō ali  
ud Bonfadio meo consiliū darem, quā quod  
mihi acciperem: nec aliam uiam ostenderem,  
quā ipsam, qua egomet insisterem. Bon-  
fad. Quid amabo? Cass. Quid rogas? bo-  
no animo renunciarem oratoriæ arti, & ad  
medicam aggrederer. Bonfad. Atqui idip-  
sum studeo, sed tua opera uti necesse est. Cass.  
Qua. tu mea opera? Quasi uerō ego multum  
hac in re te adiuuare possum. qualis qualis  
tamen est, eam tibi defero, dum sit modo fu-  
tura alicuiusui. Bonfad. Quid ni futura  
est ipsa, quæ non prodesse solum, uerum eti-  
am me ipsum hoc tempore beare potest?  
Cass. Age igitur loquere, & aperimo-  
dum, quo tibi opem afferre possum. nam &  
me paratum cognosces, & quantum te amo,  
uicissim que abs te amari uolo, experieris:  
& quod in me esse tibi persuades, id nul-  
lo negotio consequeris. Ecquid obsecro  
optabilius mihi hodie contingere poterat?

A 2 quā

quàm dari occasione gratificandi uiro docto,  
& amico ex animo, uereq; beneuolo? Utinam  
quæ tu tibi polliceris de me, cuncta præstare  
possim, ut amicitiam nostram, quam morû stu-  
diorumq; similitudo paucis ab hinc mensib. cõ-  
iuxit, in posteritatem mutuis officijs propaga-  
remus. Omnium namq; rerû, quas ad bene bea-  
teq; uiuendû sapientia cõparauit, nihil est pro-  
fectò hac uirtute maius, nihil ubertius, nihil in-  
cûdus, nihil diuinius, & homine ingenuo libe-  
raliterq; instituto dignius. Quamobrem meâ  
operam nunc requiri, et magnopere gaudeo,  
& tibi multum gratulor, qui non minus ad pe-  
tendum beneficiû quàm ad promerendû uolun-  
tatem propensam geris. Bonfad. Equidem  
non uereor, ne sustineam tua in me uel innume-  
rabilia beneficia: cum præsertim confidam,  
nullam esse gratiã, quã uel non capere animus  
meus accipiendo, uel remunerando cumulan-  
doq; illustrare possit. sed metuo ut te auocem  
à studijs philosophiæ, quibus magnam operã  
nauas, & toto animo incûbis. Cass. An me-  
cû fortasse Placentiã his Calendis Maij co-  
gitas,



gitas, an potius aliò terrarum me uis abduce-  
 re? *Bonfad.* Minime gentium. Quin Patauij  
 tecum esse exopto, & uota facio, unà uiuere,  
 unà colloqui, et uirtute tua frui. *Cass.* Cedo  
 igitur, quid me hic uis pro te efficere? *Bon-*  
*fad.* Nihil sanè aliud mi *Cass.* quàm ut præ-  
 scribas mihi certam rationem legendi libros  
 Galeni Pergameni, ex quibus medendi scien-  
 tiam cõparare possim. *Cass.* Eo quidẽ ordi-  
 ne ut legeres, tibi suaderem, quem IOAN-  
 NES BAPTISTA MONTANVS,  
 medicus nobilissimus atq; optimus, instituit.  
*Bonfad.* MONTANVM. quidem illũ pro-  
 bẽ noui, cuius acrimoniam in rebus inuenien-  
 dis & iudicãdis, atq; adeo in dicendo scriben-  
 doq; miram prudentiam simul et grauitatem,  
 semper admiratus sum: sed de ordine legendi  
 cõmentarios Galeni conscripsisse, nec à quo-  
 quam audiui, nec usquam me legisse adhuc me-  
 mini. *Cass.* Nihil profectò mirum est, si nus-  
 quam memineris legere, quippe qui medicæ  
 rei operã nunquã attigeris, neq; medico quo-  
 piam, nisi ab hinc tribus quatuor ue ad summũ

mensib. intime et familiariter usus fueris. Cer-  
 te quidem scripsit MONTANVS de ipso,  
 quē nuper dixi, ordine, tanta arte & ratione,  
 quāta sanē Galenus ipse cōmentarios suos di-  
 sposuit, et posteris relegēdos tradidit: sic di-  
 stinctē, meo iudicio, in classes certas et firmas  
 distribuit, ut tanq̃ optime acie instruens Impe-  
 rator, nullas barbarorū incursiones extime-  
 scere possit. Quid quæris? Cuncta, quæ fors  
 cōturbata conglobauerat, et hominū imperi-  
 tia hactenus comprobata sunt, et præpostere  
 tradita nobis, in ordinē adduxit, et bellissime  
 cōstruxit. Quāobrem si me audies, libellū de  
 hoc ordine ediscendū sequendūq̃ tibi propo-  
 nes. brevis enim est, et ijs qui medicinæ sacris  
 initiari uolūt perq̃ utilis. Bonf. Cedo istū li-  
 bellū. Cass. Imus intro, hic nō possū tibi fa-  
 cere uidēdi copiā. Bōf. I præsequar. Cass.  
 Sequere, in bibliothecā me recipio. Bonfad.  
 Probē. Cass. En libellus. Bonf. Agedū,  
 legā. ō quā uera sunt quæ prædicas de homi-  
 ne, desperam nisi meam opīnionem superauit.  
 Heus tu audin? ut disposite, ut plane latineq̃  
 lo-

loquitur? *Dij boni quàm ingeniosa peroratione, quæ latissimè patuerūt, omnia repetit, et in unū locū cōducit. Nunquā putaueram tāto post se interuallo posse relinquere turbam medicorū. acquiesco in hoc libello, nec medi-  
usfidius alio ordine, q̃ hic præcipitur, Galeni legā commētarios. Sed quid mihi in ipsi obseruandum sit, nondum constitui, nec à quoquam aperte accepi. Quocirca genus obseruationis tuū tam libens audirē et intelligerē, quàm quod maxime. Cass. Quàm uehemēter erras et falleris, si in eam mentē impelleris, ut credas id operæ & studij me ponere in Galeno, quod superiorib. annis in Cicerone posuerā. Contrā artes & disciplinæ ediscūtur, q̃ eloquentia: illæ quidē usu & ratione cōparantur, hæc uerò & obseruatione & exercitatione constat. Itaq; medicinā, quæ est una de liberalibus & ingenuis artibus, noli putare obsecro, ex turba indicū peti, & facile parari. Si totam enim quam habemus, plurimis uoluminibus accuratissime complectitur, uel obseruatis syllabis, dictionibus, sententijs,  
in tabu-*

in tabulas referes, aut nihil, aut minimū in hac arte proficeres. Bonfad. Atquinon opinor te uerba consecrari, quæ nōnullis miro studio & immenso labore colligi uulgo constat; sed magna diligentia sentētias & quasi quædam profata obseruare, id quod medijsfidijs multis uiris, & illis quidem illustribus, qui totum nomen hac nostra memoria sibi uendicāt in medendi scientia, placere accipio. Cass. Quos tāti nominis uiros significet hæc tua oratio, non planè intelligo. Bonfad. Nominè parcere, quàm stomachū alicui mouere æquius est. nosti enim hominū ingenia, de quibus etiam si recte sentias, ubi semel suspicari coeperint, omnem suspicionem in te cōmouent, atque in deteriore partē quicquid de se dici audiunt, omne rapiunt. Cass. Sanè uerò, ut ait Comicus, Obsequiū amicos, ueritas odiū parit. Et fortasse illos conscientia timidōs suspiciososq; facit: sed quales quales sunt, auctoritate sua non poterunt me permouere, ut potius quid ipsi faciāt attendam & sequar, quàm quod certa ratio docet & ostendit. Verisimile

le quidem est, huiusmodi genus observationis multum proficere ac ualere ad memoriae ostentationem, & inanem gloriam: sed ad exquisitam morborum inuentionem & iudicationem parum conferre, certumque est & perspicuum. Cognoscas enim licet ex ijs non paucos, qui cum simili modo studia instituerint, in conuentu hominum more psittacorum perstreant, & perpetuo, inquit Galenus, inculcantes iure optimo à doctis rideantur: et præterquam quod se propinquant sapientibus irridendos etiam produnt, ingenijque sui motum remorantur, & miseri ac infelices sunt: quippe qui de suo nihil promant, sed semper aliena imitentur. atque utinam imitandi artem tenerent: quam quidē ne consequi possint, in causa est insana quædam cupiditas cogendi & coaceruandi innumerabiles sententias. Sed hoc suum coaceruare, quid aliud per Deos immortales est, quam colligere uentum, & plausum popularē querere? Hæc non est uera imitatio, hac uia non deducimur ad medendi scientiam, sed aliam longè certiore & tutiore & breuiore

*insistere oportet, quam Galenus nobis com-*  
*monstrauit. Bonf. Miror ni omnibus hæc*  
*uisa uia est, præsertim cum iamdudum æta-*  
*tem, ut tu refers, commonstrata fuerit. Cass.*  
*Desine mirari, amabò te, an nescis patres no-*  
*stros ita à Musis & à Gratijs fuisse alienos,*  
*ut etiã inuentis frugibus, uesci glandib. uolue-*  
*rint? Vnde mirum tibi uideri non debet, si*  
*plurimi hoc tempore, qui rudem illam antiqui-*  
*tatem amant, id cibi genus nõ aspernãtur, ma-*  
*luntq; uitam agrestem quàm urbanam agere.*  
*Iis quidem patuit aditus in syluas & querce-*  
*ta et uepreta, iter uero ad amœnos et incùdos*  
*et amabiles hortos Musarũ interclusum est.*  
*Asueti enim iam inde à pueritia procedere*  
*inepta & deterrima uia, de optima atq; com-*  
*modissima declinauerũt. Atq; si Dijs placet,*  
*uetus consuetudo tantum potuit, ut in illis iam*  
*natu grandibus uim naturæ obtinuerit. Quo*  
*fit ut tantum abesse putem, ut uiam quæ recta*  
*ostenditur, uidere potuerint, ut ne aspexerint*  
*quidem: sed si qui sunt, qui sanè pauci sunt, qui*  
*fortè eò diuertãt, illos insanire et prorsus cæ-*  
*cutire*

cuttre subito conclament, ne longius abieris. Ego ubi primum coepi dare operam medicinæ, circumuentus à quibusdam minutis medicis, penè adducebar ut crederem non aliam esse uiam ad medendi rationem, quàm quæ deducit ad solam uenationem sententiarum, & aucupium uerborum. Propterea multum operæ, studij, diligentia, in eo ponere certum erat, nisi MONTANVS dehortatus fuisset. Is etenim cū propalam Methodū medendi profiteretur non sine ratione demonstrabat, nulla in re magis conteri tempus, & (ut tritū uerbū est) operam & oleum perdi, q̃ in obseruationibus coagmentandis. Deterritus itaq; studiorum meorum aliam longè rationē inui, totumq; MONTANO expoliendū me me tradidi: cui quidem duplici nomine plurimum debeo, partim quod ea dedocuit, quorum magnam partem didicisse me iam poenitebat: partim quod certam methodum inueniēdi curandū ue, morbos commonstrauit. Vnde is sanè, posset æque altero tanto maiorem mercedem iure à me poscere & exigere, atque il



le Orator apud Ciceronem à discipulis, quos dedocendos suspiciebat, poposcisse legitur. Bonf. Agnosco perofficiose Cassi, gratā animi tui uoluntatem erga MONTANVM, ut qui profitearis ingenue per quem maximè profeceris. Sed mediūsfidiū in te gratum me non minus fore senties, quā te erga se ille sensit, si hanc ipsam edocere uolueris, quam methodum tu nominas. dabo etiam me in tuam disciplinam, et eo quidem libentius, quo maximos progressus in arte medica te fecisse audio. Cass. Quantum ego profecerim, aliorum sit iudicium. certō scio me multum laboris impendisse, ut mei præceptoris, quantum fieri poterat, uestigia insisterem, & quod bene longa & docta oratione exponebat, & indicabat, idem memoria et iudicio assequeretur. quodcunq; tamē sum assecutus, haud grauātē tecū communicabo. Bonf. O post hominum memoriā officiosissime & benignissime Cassi, nulla in re magis desiderabā experiri liberalitatem & officium tuum, quā in liberalitate & communicatione huius artis, quam e-



go arbitror te optime callere. Nihil enim cōfido me auditurum, quod ad ipsam capescendā pertinet, quin sit doctum, cultum, et industria elaboratum. Quamobrem per attentius futurus sum auditor: & quicquid es dicturus, id ipsum quoad facere potero, memoriæ cōmendabo et consecrabo. Quando igitur uoles me communicare istā arte, semper paratum habes. Cass. Nunc maximè uolo & cupio, sed tecum paucis agam antè de utilitate quam percipies, quàm ad methodum inueniendi morbos aggredior. Præter enim opinionem omnium nostrī temporis medicorum multas & incredibiles cōmoditates capies. Sanè ad pharmacorum inueniendorum usum atq; ad uictus instituendi formam non modo confert, uerum etiam ijs ipsis quæ inuenta sunt, mirificè bono est. Ecquis obsecro medicamenta pro genere morbi idonea inuenire potest: & postea q̄ inuenerit, utrū salutaria et ex usu futura sint, sine methodo recte dijudicare, aut in tempore locis affectis remedia admouere, aut morbi causas, motus uarios, symptomatum

innumera genera cognoscere? aut euentus  
qui sunt ancipites, magna ex parte præsentire  
& prædicere? Nempe in uiuis per pauci sunt,  
ne dicam nulli, qui hæc omnia sine methodo  
præstare possint. Huc etiam pertinet, quod  
ad mirabilis utilitatis fructum, quæ in artibus  
non quæritur necessaria, animi quædam libe-  
ra oblectatio accedit. quid namque iucundius  
& dulcius quàm de quocunque genere morbi  
proposito, copiose et ex arte posse loqui? Rur-  
sum quid molestius, & iniucundius, quàm sem-  
per hæsitare, & nihil nisi de alienis cõmenta-  
rijs promere ac sapere? Quid amabilius, quid  
item fœlicius est, quàm in illud studiũ incumbere,  
quod tecum pernoctat, rusticatur, peregrina-  
tur, & domi forisquæ in tuam & in aliorum sa-  
lutem conducit? atque adeo, nunquàm non mi-  
nus solum hominem reddit, quàm cum solus  
est: non possum mehercle pro magnitudine rei  
& excellentia satis oratione consequi, quan-  
tas habeat opportunitates. Malo te experi-  
ri non sine magno quidem tuo cõmodo, quàm  
nunc ex me intelligere. nec propterea, si qua  
difficul-

difficultas laborq; discendi inter initia appareat, deterreri te uolo, ne incurras in illā diffidentiam, quæ multos meos æquales negligentes reddidit, & ad Empirica cōpulit atq; induxit, ut temere errarent. Quod si mea quidē sententia tantam adhibuissent diligentiam, ut rem posse confici non diffisi fuissent, non erat cur rebus suis continuo desperarent. Habe igitur animum, & spera magnam inde nasci utilitatem, ubi principio tibi summa incidit difficultas. Bonfad. Ergo qui istam methodum non callet, nullo pacto is erit medicis adnumerandus. Cass. Sic sanè. Bonfad. Perpauci igitur, si rectè coniecturam facio, reperiuntur. Cass. Maxime. Bonfad. Sed qui fit, cur in singulis ciuitatibus penè infinitam eorum turbam reperias, quæ passim tibi fit obuiam in stratis mulis, tunicata, & plerunque aeris inclementiam metuens benè petasata, adeò ut sereno cœlo pluuiam descendere, aliquādo sūm suspicatus. Atqui non rarum mihi uidetur esse medicorum genus.

Cass. Vides pallium quidem & barbam,  
at

at medicos non uides. Sanè multos conspicias licet *Acesias imperitos, Menecrates insanos, Nicias infidos, Thessalos arrogantes et furentes: nullos Aesculapios, nullos Chironas, nullos Asclepiades, paucos Acronas, Aristogenes, Philippos. Bonf. Itane est ut dicis? Cass. Equidem cuperem dicere mendacium, quoniam multo foelixius & præclarius ageretur cum mortalibus, et nunc, & in posteritatem, quam non multis ante annis actum est. idque profecto æquiore animo esset ferendum, nisi improbitas illos grauiter impudentes efficeret, ut qui medici nomen elementientes in figura humana, immanitatis & carnificinae formam gerant. Quocirca bono medico nil melius, malo terra nil peius creat. Bonfad. Mirum quantum errabam. Posthac dabo operam, ne quemuis medicum esse credam, & salutem. Cass. Rectissime mea quidem sententia facies. Hoc enim nomen cum sit sanctum & uenerabile, non uniuersumque decet, nec omnibus conuenit, sed ijs duntaxat, qui secundum Deos hominibus maxi-*

me

me possunt esse utiles. Bonfad. Verò. Sed quid tu mihi dicas consilij? Vnde opem petere suades, ut ne sim futurus in falsis & ementitis medicis? Cass. Methodū Galeni fac amplectaris, ames, magni aestimes, in eam omnī studio incumbas, eam omnibus in rebus agendis in consiliū adhibeas, reputesq; cuncta præsidia ex ea quæri & comparari. Bonfad.

Probè admones. Verum quī amare illam possum, cum quid sit nondum mihi constet? Cass.

Si quid sit quæris, nomen ipsum planissimè tibi ostendet. Bonfad. Age mecum planius & rudius, quoniam quorsum spectet tua oratio, uixdum intelligo. Cass.

Dico ego, ex nominis notatione & uim & naturam rei manifestè aperiri. inde enim methodus dicta est à ueteribus scriptoribus, quòd est ὁδὸς καὶ ὁλὸς μίαν ἀπὸ πάντων λόγῳ καὶ τὰ μέγ. Bonfad.

Obscura sanè definitio est, obsecro te explica eam planius. Cass.

Non exprimam uerbū è uerbo: non enim possim latine. sed explicabo sententiā. Methodus est communis et absoluta omnium rerum ratio, quæ ad singula

res & proprias cuiusque vires gradum facit.  
Bonfad. Optime iam rei potestatem teneo,  
at uis ne, ut de ea ego te percuncter? Cass.  
Sanè uolo. propterea quod ad inueniendi cu-  
randūue morbos rationē promoueri exoptas:  
idq; fiet commodissime ex interrogatione, ui-  
cissimq; responsione, quemadmodum fuit lau-  
dabile institutum ueteris Academiæ, quod  
quidem Socrati magnopere placuit, qui per-  
cunctando atq; interrogando apud Platonē  
elicere solet eorum opiniones, quibus cum e-  
disserit. sed obsecro te, si fieri possit, effuge  
minutas interrogatiunculas, quasi puncta &  
aculeos Stoicorum, quas ignauas & inertes  
potius nominare ego soleo, quàm solertes &  
ualidas: quoniam magis ad argutandum &  
cauillandum, quàm ad perdiscendum conueni-  
unt. Iam uero ne desit tibi rerum sylua, de qui-  
bus singillatim etiam suo loco possis percun-  
ctari, ordinem sine aliqua concertatione uer-  
borum sic instituam, ut nihil aberres. Princē-  
pio itaque sciscitari licet de morbo, quid, &  
ubi sit, atq; etiam de eius causis & sympto-  
matibus,

matibus, deinde horum omnium signa quæres, et memoria tecum repetendo excuties, posthæc de morbi euentu communi appellabis. Bonf.

Cum illius rei ordinem de qua mihi fas est cõfulere et sciscitari pulcherrime et breuissime disposueris, quæso igitur, quid est morbus?

Cass. Peropportuno loco interrogas. nam semper à definitione est sumendum initium, ut quod quæritur quid sit, eius uis naturaq; intelligatur. Facit enim quosdam gradus, & quasi aditus patefacit, per quos animus & cogitatio felicissime & quam ocysime efferuntur ad rerum cognoscendarum rectam rationem. Porro nunc rationem intelligi uolo methodum quandam, hoc est certum & perspicuum ordinem & immutabilem uiam inueniendi curandæue morbos. Hanc quidem nemo unquam mea sententia planè consequetur, nisi prius (quemadmodum nuper instituendo seriem rerum dicendarum insinuabam) quid sit morbus in uniuersum perceperit, & exactissime cognouerit. Propterea qui principio utitur breui & accurata definitione, is inuolutæ rei



potes<sup>t</sup>atem aperiendo proponit ac sistit orationem, quæ alioqui errare & uagari cogeretur, & ad id quantum est utilis diuisio distributio ue rei in proprias differentias, usque dum ad extremas species uentū est. Exemplo tibi esse poterit literarum integra partitio, ex qua eas & esse uigintiquatuor diligentes Grammatici compererunt, & dilucide exponendo proprias cuiusq; uires demonstrauerunt. Porro diuisionis primordium, quod à summo genere ortum habeat necesse est, à morbi notione de qua informata, communi & usitato nomine, conuenit inter omnes homines, cōmodissime ducitur. Si igitur morbum nominauero malam affectionem, & illā quidem mente fingā, atq; in animi notione tanquam in uestigio reponam, quæ naturales corporis functiones primum impedit, nec insolenti uerbo utar, nec ab omnium opinione alienā notitiā habebo. Nam hoc est in more positum cunctis hominibus, ut quando cernunt aut sentiunt aliquam corporis partem functione sua plus minus uel destitui, tunc eam dicant ex mor-



morbo laborare, atque præstò esse aliquem medicum cupiant, qui restituere, & ad pristinum naturaleq; officium reuocare possit. Ex quo liquet, et in dictione consentire, quia morbum nominant: & eandem notionem habere, quoniam animo & cogitatione impedimèta proxima actionum orta de malo affectu cōprehendunt, & simili notata nomine significant. Vnde non ab re quidā corpora ægra sanitati illa esse restituta dicere consueuerunt, quæ non impediuntur, quo minus faciant officium suum, quemadmodum actiones naturales postulant. Contrariorum enim par est ratio. Si igitur constat morbum esse impedimento actionibus naturalibus, in res quæ sunt præter naturam posse referri certum est, & sanè quàm perspicuum: rerum autem quæ naturæ cursum & propositum interpellant, unū cōmune genus est, quod græcis dicitur τὸ πάθος, tum λανθάνον, id latini affectū, & plerumq; affectionem præter naturam uerte re consueuerunt. Bonfad. Cur non potius πῦρ, aut πῦρ, aut γῆρας nominas? For-

in tabulas referes, aut nihil, aut minimū in hac arte proficeres. Bonfad. Atquinon opinor te uerba consecrari, quæ nōnullis miro studio & immenso labore colligi uulgò constat; sed magna diligentia sentētias & quasi quædam profata obseruare, id quod mediūsfidius multis uiris, & illis quidem illustribus, qui totum nomen hac nostra memoria sibi uendicāt in medendi scientia, placere accipio. Cass. Quos tāti nominis uiros significet hæc tua oratio, non planè intelligo. Bonfad. Nominē parcere, quàm stomachū alicui mouere æquius est. nosti enim hominū ingenia, de quib, etiam si recte sentias, ubi semel suspicari cœperint, omnem suspicionem in te cōmouent, atque in deteriorem partē quicquid de se dici audiunt, omne rapiunt. Cass. Sanè uerò, ut ait Comicus, Obsequiū amicos, ueritas odiū parit. Et fortasse illos conscientia timidōs suspiciososq; facit: sed quales quales sunt, auctoritate sua non poterunt me permouere, ut potius quid ipsi faciāt attendam & sequar, quàm quod certa ratio docet & ostendit. Verisimile

Id quidem est, huiusmodi genus observationis multum proficere ac ualere ad memoriæ ostentationem, & inanem gloriam: sed ad exquisitam morborum inuentionem & iudicationem parum conferre, certumque est & perspicuum. Cognoscas enim licet ex ijs non paucos, qui cum simili modo studia instituerint, in conuentu hominum more psittacorum perstreant, & perpetuo, inquit Galenus, inculcantes in re optimo à doctis rideantur: et præterquam quod se propināt sapientibus irridendos etiā produnt, ingenijque sui motum remorantur, & miseri ac infelices sunt: quippe qui de suo nihil promant, sed semper aliena imitentur. atque utinam imitandi artem tenerent: quam quidē ne consequi possint, in causa est insana quædam cupiditas cogendi & coaceruandi innumerabiles sententias. Sed hoc suum coaceruare, quid aliud per Deos immortales est, quam colligere uentum, & plausum popularē querere? Hæc non est uera imitatio, hac uia non deducimur ad medendi scientiam, sed aliam longè certiore & tutiore & breuiore

B     inst-

insistere oportet, quam Galenus nobis com-  
monstrauit. Bonf. Miror ni omnibus hæc  
uisa uia est, præsertim cum iamdudum æta-  
tem, ut tu refers, commonstrata fuerit. Cass.  
Desine mirari, amabo te. an nescis patres no-  
stros ita à Musis & à Gratijs fuisse alienos,  
ut etiã inuentis frugibus, uesci glandib. uolue-  
rint? Vnde mirum tibi uideri non debet, si  
plurimi hoc tempore, qui rudem illam antiqui-  
tatem amant, id cibi genus nõ aspernãtur, ma-  
luntq; uitam agrestem quàm urbanam agere.  
Iis quidem patuit aditus in syluas & querce-  
ta et uepreta, iter uero ad amœnos et iucundos  
et amabiles hortos Musarũ interclusum est.  
Assueti enim iam inde à pueritia procedere  
inepta & deterrima uia, de optima atq; com-  
modissima declinauerũt. Atq; si Dijs placet,  
uetus consuetudo tantum potuit, ut in illis iam  
natu grandibus uim naturæ obtinuerit. Quo  
fit ut tantum abesse putem, ut uiam quæ recta  
ostenditur, uidere potuerint, ut ne aspexerint  
quidem: sed si qui sunt, qui sanè pauci sunt, qui  
fortè eò diuertāt, illos insanire et prorsus cæ-  
cutire

cuttre subito conclament, ne longius abie-  
ris. Ego ubi primum coepi dare operam me-  
dicinæ, circumuentus à quibusdam minu-  
tis medicis, penè adducebar ut crederem non  
aliam esse uiam ad medendi rationem, quàm  
quæ deducit ad solam uenationem sententia-  
rum, & aucupium uerborum. Propterea mul-  
tum operæ, studij, diligentia, in eo ponere cer-  
tum erat, nisi MONTANVS debortatus  
fuiſſet. Is etenim cū propalam Methodū me-  
dendi profiteretur non sine ratione demōstra-  
bat, nulla in re magis conteri tempus, & (ut  
tritū uerbū est) operam & oleum perdi, q̃ in  
obſeruationibus coagmentandis. Deterritus  
itaq; studiorum meorum aliam longè rationē  
iniui, totumq; MONTANO expoliendū  
me me tradidi: cui quidem duplici nomine plu-  
rimum debeo, partim quod ea dedocuit, quo-  
rum magnam partem didiciſſe me iam poeni-  
tebat: partim quod certam methodum inueniē-  
di curandiue, morbos commonſtrauit. Vnde  
is sanè, poſſet æque altero tanto maiore mer-  
cedem iure à me poſcere & exigere, atque il

le Orator apud Ciceronem à discipulis, quos dedocendos suspiciebat, poposcisse legitur.

Bonf. Agnosco perofficiose Cassi, gratā animi tui uoluntatem erga MONTANVM, ut qui profitearis ingenue per quem maxime profeceris. Sed medius fidius in te gratum me non minus fore senties, quā te erga se ille sensit, si hanc ipsam edocere uolueris, quam methodum tu nominas. dabo etiam me in tuam disciplinam, et eo quidem libentius, quo maximos progressus in arte medica te fecisse audio. Cass. Quantum ego profecerim, aliorum sit iudicium. certò scio me multum laboris impendisse, ut mei præceptoris, quantum fieri poterat, uestigia insisterem, & quod bene longa & docta oratione exponebat, & indicabat, idem memoria et iudicio assequerer. quodcunq; tamē sum assecutus, haud grauātē tecū communicabo. Bonf. O post hominum memoriā officiosissime & benignissime Cassi, nulla in re magis desiderabā experiri liberalitatem & officium tuum, quā in liberalitate & communicatione huius artis, quam e-

go arbitror te optime callere. Nihil enim cōfido me auditurum, quod ad ipsam capeſcendā pertinet, quin ſit doctum, cultum, et induſtria elaboratum. Quamobrem per attentus futurus ſum auditor: & quicquid es dicturus, id ipſum quoad facere potero, memoriæ cōmendabo et conſecrabo. Quando igitur uoles me communicare iſtā arte, ſemper paratum habes. Caſſ. Nunc maximè uolo & cupio, ſed tecum paucis agam antè de utilitate quam percipies, quàm ad methodum inueniendi morbos aggredior. Præter enim opinionem omnium noſtri temporis medicorum multas & incredibiles cōmoditates capies. Sanè ad pharmacorum inueniendorum uſum atq; ad uictus inſtituendi formam non modo conſert, uerum etiam ijs ipſis quæ inuenta ſunt, mirificè bono eſt. Ecquis obſecro medicamenta pro genere morbi idonea inuenire poteſt: & poſtea q̃ inuenerit, utrū ſalutaria et ex uſu futura ſint, ſine methodo rectè dijudicare, aut in tempore locis affectis remedia ad mouere, aut morbi cauſſas, motus uarios, ſymptomatum.



innumera genera cognoscere? aut euentus  
qui sunt ancipites, magna ex parte præsentire  
& prædicere? Nempe in uiuis per pauci sunt,  
ne dicam nulli, qui hæc omnia sine methodo  
præstare possint. Huc etiam pertinet, quod  
ad mirabilis utilitatis fructum, quæ in artibus  
non quæritur necessaria, animi quædam libe-  
ra oblectatio accedit. quid namque iucundius  
& dulcius quam de quocunque genere morbi  
proposito, copiose et ex arte posse loqui? Rur-  
sum quid molestius & iniucundius, quam sem-  
per hæsitare, & nihil nisi de alienis cõmenta-  
rijs promere ac sapere? Quid amabilius, quid  
item foelicius est, quàm in illud studiũ incumbere,  
quod tecum pernoctat, rusticatur, peregrina-  
tur, & domi forisquæ in tuam & in aliorum sa-  
lutem conducit? atque adeo, nunquam non mi-  
nus solum hominem reddit, quam cum solus  
est: non possum mehercle pro magnitudine rei  
& excellentia satis oratione consequi, quan-  
tas habeat opportunitates. Malo te experi-  
ri non sine magno quidem tuo cõmodo, quam  
nunc ex me intelligere, nec propterea, si qua  
difficul-



difficultas laborq; discendi inter initia appareat, deterreri te uolo, ne incurras in illā diffidentiam, quæ multos meos æquales negligentes reddidit, & ad Empirica cōpulit atq; induxit, ut temere errarent. Quod si mea quidē sententia tantam adhibuissent diligentiam, ut rem posse confici non diffisi fuissent, non erat cur rebus suis continuo desperarent. Habe igitur animum, & spera magnam inde nasci utilitatem, ubi principio tibi summa incidit difficultas. Bonfad. Ergo qui istam methodum non callet, nullo pacto is erit medicis adnumerandus. Cass. Sic sanè. Bonfad. Per pauci igitur, si rectè coniecturam facio, reperientur. Cass. Maximè. Bonfad. Sed qui fit, cur in singulis ciuitatibus penè infinitam eorum turbam reperiās, quæ passim tibi fit obuiam in stratis mulis, tunicata, & plerunque aeris inclementiam metuens benè petasata, adeò ut sereno cœlo pluuiam descendere, aliquādo sūm suspicatus. Atqui non rarum mihi uidetur esse medicorum genus. Cass. Vides pallium quidem & barbam,

at medicos non uides. Sanè multos conspicias  
 licet *Acesias imperitos, Menecrates insa-*  
*nos, Nicias infidos, Theßalos arrogātes et*  
*furentes: nullos Aesculapios, nullos Chi-*  
*ronas, nullos Asclepiades, paucos Acro-*  
*nas, Aristogenes, Philippos. Bonf. Itā*  
*ne est ut dicis? Cass. Equidem cuperem di-*  
*cere mendacium, quoniam multo fœlicius &*  
*præclarius ageretur cum mortalibus, et nūc,*  
*& in posteritatem, quā non multis antè an-*  
*nis actum est. idq; profectò æquiore animo es-*  
*set ferendum, nisi improbitas illos grauiter*  
*impudentes efficeret, ut qui medici nomen e-*  
*mentientes in figura humana, immanitatis &*  
*carnificinæ formam gerant. Quocirca bo-*  
*no medico nil melius, malo terra nil peius cre-*  
*at. Bonfad. Mirum quantum errabam.*  
*Posthac dabo operam, ne quemuis medicum*  
*esse credam, & salutem. Cass. Rectissimè*  
*mea quidem sententia facies. Hoc enim nomē*  
*cum sit sanctum & uenerabile, non unūquem-*  
*que decet, nec omnibus conuenit, sed ijs dū-*  
*taxat, qui secundum Deos hominibus maxi-*  
 me

me possunt esse utiles. Bonfad. Verò. Sed quid tu mihi dicas consilij? Vnde opem petere suades, ut ne sim futurus in falsis & ementitis medicis? Cass. Methodū Galeni fac amplectaris, ames, magnū aestimes, in eam omni studio incumbas, eam omnibus in rebus agendis in consiliū adhibeas, reputesq; cuncta præsidia ex ea quæri & comparari. Bonfad.

Probè admones. Verum qui amare illam possum, cum quid sit nondum mihi constet? Cass. Si quid sit quæris, nomen ipsum planissimè tibi ostendet. Bonfad. Age mecum planius & rudius, quoniam quorsum spectet tua oratio, uixdum intelligo. Cass. Dico ego, ex nominis notatione & uim & naturam rei manifestè aperiri. inde enim methodus dicta est à ueteribus scriptoribus, quòd est ὁδὸς καὶ ὁλὸς μὴ ἀπὸ τῶν κοινῶν ἀλλὰ ἀπὸ τῶν μὲν. Bonfad. Obscura sanè definitio est, obsecro te explica eam planius. Cass. Non exprimam uerbū è uerbo: non enim possim latine. sed explicabo sententiam. Methodus est communis et absoluta omnium rerum ratio, quæ ad singula-

res & proprias cuiusque vires gradum facit.  
 Bonfad. Optime iam rei potestatem teneo,  
 at uis ne, ut de ea ego te percuncter? Cass.  
 Sanè uolo. propterea quod ad inueniendi cu-  
 randiue morbos rationē promoueri exoptas:  
 idq; fiet commodissime ex interrogatione, ui-  
 cissimq; responsione, quemadmodum fuit lau-  
 dabile institutum ueteris Academiae, quod  
 quidem Socrati magnopere placuit, qui per-  
 cunctando atq; interrogando apud Platonē  
 elicere solet eorum opiniones, quibus cum e-  
 disserit. sed obsecro te, si fieri possit, effuge  
 minutas interrogatiunculas, quasi puncta &  
 aculeos Stoicorum, quas ignauas & inertes  
 potius nominare ego soleo, quàm solertes &  
 ualidas: quoniam magis ad argutandum &  
 cauillandum, quàm ad perdiscendum conueni-  
 unt. Iam uero ne desit tibi rerum sylua, de qui-  
 bus singillatim etiam suo loco possis percun-  
 ctari, ordinem sine aliqua concertatione uer-  
 borum sic instituam, ut nihil aberres. Princi-  
 pio itaque sciscitari licet de morbo, quid, &  
 ubi sit, atq; etiam de eius causis & sympto-  
 matibus,

matibus, deinde horum omnium signa quæ res,  
et memoria tecum repetendo excuties, posthæc  
de morbi euentu communi appellabis. Bonf.


Cum illius rei ordinem de qua mihi fas est con-  
sulere et sciscitari pulcherrime et breuissime  
disposueris, quæso igitur, quid est morbus?

Cass. Peropportuno loco interrogas. nam  
semper à definitione est sumendum initium,  
ut quod quæritur quid sit, eius uis naturaque in-  
telligatur. Facit enim quosdam gradus, et  
quasi aditus patefacit, per quos animus et co-  
gitatio felicissime et quam ocysime efferun-  
tur ad rerum cognoscendarum rectam ratio-  
nem. Porro nunc rationem intelligi uolo me-  
thodum quandam, hoc est certum et perspi-  
cuum ordinem et inmutabilem uiam inuenien-  
di curandiue morbos. Hanc quidem nemo un-  
quam mea sententia plane consequetur, nisi pri-  
us (quemadmodum nuper instituendo seriem  
rerum dicendarum insinuabam) quid sit mor-  
bus in uniuersum perceperit, et exactissime  
cognouerit. Propterea qui principio utitur  
breui et accurata definitione, is inuolutæ rei

potestatem aperiendo proponit ac sistit orationem, quæ alioqui errare & uagari cogeretur, & ad id quantum est utilis diuisio distributio ue rei in proprias differentias, usque dum ad extremas species uentum est. Exemplo tibi esse poterit literarum integra partitio, ex qua eas & esse uigintiquatuor diligentes Grammatici compererunt, & dilucide exponendo proprias cuiusque uires demonstrauerunt. Porro diuisionis primordium, quod à summo genere ortum habeat necesse est, à morbi notione de qua informata, communi & usitato nomine, conuenit inter omnes homines, commodissime ducitur. Si igitur morbum nominauero malam affectionem, & illam quidem mente fingam, atque in animi notione tanquam in uestigio reponam, quæ naturales corporis functiones primum impedit, nec insolenti uerbo utar, nec ab omnium opinione alienam notitiam habebo. Nam hoc est in more positum cunctis hominibus, ut quando cernunt aut sentiunt aliquam corporis partem functione sua plus minus uel destitui, tunc eam dicant ex mor-

morbo laborare, atque præstò esse aliquem medicum cupiant, qui restituere, & ad pristinum naturaleq; officium reuocare possit. Ex quo liquet, et in dictione consentire, quia morbum nominant: & eandem notionem habere, quoniam animo & cogitatione impedimēta proxima actionum orta de malo affectu cōprehendunt, & simili notata nomine significant. Vnde non ab re quidā corpora ægra sanitati illa esse restituta dicere consueuerunt, quæ non impediuntur, quo minus faciant officium suum, quemadmodum actiones naturales postulant. Contrariorum enim par est ratio. Si igitur constat morbum esse impedimento actionibus naturalibus, in res quæ sunt præter naturam posse referri certum est, & sanè quàm perspicuum: rerum autem quæ naturæ cursum & propositum interpellant, unū cōmune genus est, quod græcis dicitur τὸ πάθος, tum τὸ πάθος, id latini affectū, & plerumq; affectionem præter naturam uerte re consueuerunt. Bonfad. Cur non potius πῦρ, aut πῦρ, aut γῆρας nominas? For-

C 3 tasse





taſſe ſignificantius illud notares & expri-  
meres, quod animo comprehendis. Caſſ.  
Atqui magni intereſt, hoc ne, an illo utaris  
nomine. Ego quidem appoſitè, niſi me mea  
fallit opinio, pro re conſtituta loquor. Nam  
genus ipſum, quem nuncupauimus affectum  
præter naturam, ſui ſimiles communione qua-  
dam, ſed differentes, tres complectitur par-  
tes, quarum alia uocatur morbus, alia cauſ-  
ſa, alia ſymptoma. Et ſanè is affectus de quo  
fit mentio, eſt qualitas quæ ex corporis mu-  
tatione nata, firmiſſimè ſeſe ſiſtit, atque ſuo  
nomine ueluti quædam uniuerſa natura, &  
morbum, & cauſſam, & ſymptoma com-  
municat. & licet ſanitas affectus perma-  
nens ſit, non tamen eſt is ipſe præter natu-  
ram, de quo in præſentia orationem meam in-  
ſtituo. At uerò *ἐνέργεια* eſt motus, qui  
prodit quidem è corpore, ſed non conſi-  
ſtit, quin continenter labitur & fluit: at-  
que dum cietur, interea eſſe dicitur: ſimulac  
uerò deſijt, & exactus eſt, nuſquam omni-  
no conſtat. Idem quoq; motus pro uarijs fi-  
nibus



nibus motionis nomen mutat, ita quidem ut motus rei afficientis, dicatur *ἐνέργεια*: eius autem quæ afficitur, *πάθος*, siue *πάθημα* nuncupare tibi potius libeat, non multum laboro, quia inter hoc & illud nomen interesse nihil arbitror. Cum itaq; morbus stabilis & fixus consistat, iure optimo appellari potest *σώματος* præter naturam, quæ proximè uitiat actiones naturales. Hoc porrò uitium aut est in temperatura, uel sola, uel iuncta cum humoris affluxu: aut in compositione, aut in dissolutione continuarum partiū. Temperatura est uel calida, uel frigida, uel sicca, uel humida, uel ex his cōiugatis simul cōsurgit. Humoris genus, qui affluit, sanè multiplex esse potest. etenim aut sanguis, aut alterutra bilis, aut pituita redundat, aut commisti succi inter se funduntur. Viciatur compositio ab indecenti magnitudine plus iusto aucta, aut diminuta, uel positura, uel consensu similium partium, aut à numero superuacaneo uel defecto, aut à praua cōformatione. At uerò dissoluntur tam partes similes q̃ dissimiles, quādo  
 nimi

nimirum diuelluntur, exulcerantur, franguntur, conuelluntur, abrumpuntur, comminuntur. Iis igitur positis & constitutis, quæ possem longa oratione persequi, si haberem in animo minutissima quæque amplecti, manifestum est tria minimum genera simplicium morborum consurgere. Cōpositi enim qui actiones à natura ortas, magis minus impediunt, ex illis ueluti stirpibus fundati succrescunt & conspirant. Bonfad. Percipio, & satis firmè menti hæret natura morbi: sed actiones corporis natiuas nondum assequor, quæ sunt obnoxia impedimentis. Cass. Apagè sis, nihil præteribo quod me rogabis. Actiones sanè ut sine corpore non consistunt, sic earum uitia sine affectu præter naturam ullo pacto esse nequeunt. Ideo maxime idoneo loco scire desideras, quæ actiones lædi possunt. Multæ enim ac diuersæ sunt. alia nominatur uitalis, alia naturalis, animalis alia. uitalis quidè in corde suum domicilium posuit, regens atque moderans uitæ cursum, dans etiam signa certis arteriarum ictibus, quanta ui & potestate in  
hoc

hoc pusillo altero orbe polleat. Animalis  
uerò in cerebro tanquam in summa arce con-  
sedit, toti corpori & motum & sensum per  
neruorum propagationes inuens. Huic fa-  
cultas uidendi, audiendi, gustandi, olfacien-  
di, tangendi, nata est. Hinc animo fingendi  
uis, & iudicandi, & memoria repetendi or-  
tum habuit. Hinc potestas sequendi, utilia et  
commoda, rursumq; noxia & incommoda fu-  
giendi, uitandi, declinandi tradita est. Na-  
turalis etiamnū multiplicem habet usum, mul-  
tifariamq; suas ostendit vires, quippe quæ sup-  
peditet facultatem appetendi, concoquendi,  
digerendi, alendi, retinendi, alterandi, expel-  
lendi. Ex quo liquet actionem esse ex illius ge-  
nere motus, qui ab aliena ui minime cietur.  
Quomodo enim ab auibus ipsis proxime capit  
suum primordium uolatus, atque incessus ab  
animantibus, quæ gradiendo aut serpendo ad  
pastum accedunt: sic propemodum actiones  
nō aliūde edūtur, quā à corporis partibus,  
& illis quidem similibus, quibus dissimiles in  
opere diligenter faciendo sunt usui. Quid cū

D Atti-

*Atticus ille traieciatur naui ex Pyrrheo in Suniū, existimas ne motū de se promere? Bonfad. Minime, sed aliunde accipere, atq; ab externa ui perpeti. Cass. Quid si in Pyrrheum eidem licuisset pedibus reuerti? Bonf. Non extrinsecus impulsū iri ad motionem, sed à se, rationi uidetur mihi maximè consentaneū. Cass. Ita uolo tibi persuadeas, non aliunde quàm è corpore huiusmodi actiones prodire. Bonfad. Rectè suades: nec aliter hunc motum cieri opinor, quàm tu peraccommodato exemplo demonstrasti. Quando uerò impeditur, quid obsecro te est in causa? Varijs enim modis impediri conspiciamus. aut intercipitur, & intermoritur, aut plus minus læditur, id propterea non mihi sit credibile temere & sine causa euenire. Cass. Rem ipsam attigisti suspitione. Oportet enim esse cur patiatur iniurias eas, quæ possint illius cursum remorari, ac plerunq; interuvertere, & abolere. Causa porro duplex est: altera quidē *παρακλήσις*, altera uerò *παρασπείρις*, hoc est, ut uerbum de uerbo reddam, primi  
tius*

*illa & antecedens. illa sanè externa est, hæc autem interna: quæ rursum diducitur in causam remotam & proximam. Externam uoco, res omnes, quæ cum extrinsecus accedant, usu & effectibus suis aut iuuant aut impediunt naturam & eius facultates: cuiusmodi sunt, aer, exercitatio, cessatio, cibus et potus, somnus & uigilia, inanitio & redundantia, animi commotiones, et id genus reliqua, quæ usus sui uarietate salutaria aut noxia sunt.*

*Antecedens autem causa, & illa quidem interna ac remota, nondum efficit morbum, sed ut efficere possit medico timorem iniicit. At uerò proxima, quam uulgus medicorum coniunctam uocant, iam morbum facit, & alit.*

*Hanc quidem quo nomine appellauerint præsci & boni medici, adhuc non habeo compertum. rem tamen ipsam eos cognouisse, nulloque apto uocabulo expressisse, inde facio cōiecturam, quod Galenus tametsi uno utitur nomine, bipartitò tamen id ipsum per quod corpus est in morbo, diuidit, atque ita plana & perspicua oratione persequitur, ut unam & item*

alteram causam internam descripsisse, & oculis quasi subiecisse mihi uideatur. itaq; proximam eam esse dicas licet, secundum Galeni sententiam: quæ quidem cum adest, tunc quoque actionem naturalem impediri, uicissimq; quando abest impedimento uacare etiam necessum est. Quin ipsa morbus est, à quo proxime uitari corporis functiones non sine ratione antea commonstrauit. altera etenim causa non primum & per se, sed deinde & per aliud uitiat corporis actiones, nempe per consensum illarum partium, quæ male afficiuntur. Propterea uim suam aliunde demittere, atq; ab illo, quem commouet, morbo distungi aliquo interuallo censetur. Bonfad. Videris meo quidem iudicio hactenus & causarum genus distinxisse, & naturam morbi declarasse. Sed hoc uellem prius exemplo fieri plinius, quam pergas reliqua inquirere ac definire. Cassi. Faciam: uerum oportet te omnia meminisse, quæ paulo superius commemorauit. Bonfad. Nihil dubita, quin cuncta satis firmè memoria custodiam. Cassi. Perpulchre

chrè, sic cætera foelicius suo loco commonstrāda asequēris. Cum igitur memineris ex definitione tradita & morbum & causā esse affectum præter naturam, exemplum sumemus ab Herculis comite Philocteta, ex quo liquidò tibi cōstabit, quomodo morbus primū uitiat actiones naturales: causā autem antegreditur morbum. Cum igitur Philoctetes proficiscens ad excidium Troianum, luculentum uulnus accepisset in pedem, diris cruciatur doloribus. Siquidem ab euulsa sagitta de repente magna incubuit plegmone, quæ quidem præpeditus nō modo ex Lemno oram soluere non poterat, sed nec ingredi, neque consistere. Eo tempore ecquis obsecro, tam uersors & stupidus extitisset medicus, qui negasset pedem esse locum affectum? uulnus uerò morbum: morbi causas, alteram quidem fuisse externam, nimirum sagittam, alteram autē internam, ueluti seminarium & fomitem ægrotationis, impedimentumq; primum aut ægri incessus, aut omnino aboliti, sanè phlegmonem, & quicquid posthæc sequebatur: qualis



erat rubor, tentio, & altus tumor, id omne  
symptoma fuisse? Bonfad. Nullus, mea qui-  
dem sententia, qui discrimen inter causam  
morbumq; cognouisset: quod tu paulo antea  
definiendo ostendebas, quamvis de symptoma-  
tum differentijs non aperte quicquam dixe-  
ris. Cass. Non dixi propterea, quia nec-  
dum quo uolo perueneram. Supererant e-  
nim pauca quædam, quæ ad illarum rerû quæ  
sunt (ut præfatus sum inter initia) præter na-  
turam, pertinent inuentionem. Iis quidem ad  
numerauimus symptomata, quæ morbû perini-  
de consequuntur ac umbra solet proprium cõ-  
sequi corpus. & ideo non erit alienum præsen-  
ti instituto disquirere, quot modis possint in-  
sequi. inde enim fiet, ut uel me tacente omnia  
symptomatum genera ultro tibi sese offerant  
& ostendant. Itaq; alia necessario & perpe-  
tuò ipsum morbum comitantur: quemadmodû  
conspicimus cum membrana, quæ succingit  
costas, afficitur, & ex phlegmone laborat.  
Tunc sanè dolor continenter fodicat latus,  
febris torquet, anhelitus grauius fiunt, tussis  
molesta



moleſta eſt, pulſus arteriarum durus explo-  
ranti & tractanti manifeſte apparet. Alia  
autem magna ex parte coniunguntur, ut quod  
in eodem morbo membranæ, dolor petat iugu-  
lum, aut deſcendat in hypochondria, hoc ali-  
quando euenit. Alia etiam multo poſt ſequun-  
tur, quàm incipit latus phlegmone tentari. nã  
quod materia illa quæ infeſtat latus, aut ſup-  
puretur, aut excreetur, id ſanè à morbo ip-  
ſo contingit. Bonfad. Stricliſim omnia,  
quemadmodum exoptabam, perſtrinxisti. nũc  
proximum eſt, ut de ſignorum generibus ex  
quibus & morbi et cauſæ diſtinguuntur, qua  
ſoles breuitate & uerborum perſpicuitate,  
initio dicas. poſthæc (quod tuo fiat cõmodo)  
ad methodum cognoscendi morborum uarios  
euentus aggrediariſ licebit. Caſſ. Perop-  
portunè commonefecisti. huc ego quoq; deſi-  
gebam cogitationem, atq; animum conferebã,  
ne ab ijs quæ à principio conſtituta ſunt, no-  
ſtra aberraret oratio, longiusq; progredere-  
tur, quàm breuis poſtulat ſcribendi ratio. De  
ſignis igitur dicturus, à rei natura capiam ex  
ordium.

ordium. Bonfad. Vt lubet, ego quidem opti-  
nor te non posse commodius aliunde auspicari.

Cass. Signa sunt ex illis rerum generibus,  
quæ sub idem iugum cadunt, atq; inter se mu-  
tuum habent responsum. Propterea quicunq;  
eorum naturam certò scire desiderat, cum o-  
portet intelligere quò referantur, quid ue de  
signent. Ex re etenim qui cum conferuntur, nu-  
merus etiãnum ducitur & propagatur. Quo  
circa res aut præteritas ad memoriam signa  
reuocant, aut præsentis indicant, aut conse-  
quentes prænũciant: illa quidem Græci ἀνα-  
μνηστικὰ nominant, hæc uerò postrema duo  
διαγνωστικὰ, & προγνωστικὰ nuncupant. De ijs tri-  
bus generibus non omnibus dicam, sed primũ  
in præsentia omittam, & meæ inertiae condo-  
nabo. alterum, & item tertium, ut quæ ad in-  
stitutum opus magnopere conueniunt, & ob-  
scuritatis non parum habent, & artificiosæ  
præsentionis plurimum, aperte si potero ex-  
ponam. Verũ quia utrumque genus sic coniun-  
xit natura rerum, ut solum ἡμετέρα, hoc est  
habitudine differant, iccirco de uno commodè  
loquĩ

loquit me posse diffido, nisi de altero simul colloquar. Bonfad. Mallem exemplis hanc differentiam illustrari, quàm ratione aliqua aperiri & confirmari. Cass. Ne igitur longius abieris, tecum cogita quæ oculis sæpe uirpasti. Bonfad. Variæ rerum species cotidie mihi feriunt sensus, quos plerunque animo obseruare soleo. Cass. Spectastine aliquando in urinis quasdam squamulas? Bonf. Creberrime, & illas quidem fursuri simillimas innatare uidi, atq; quid sibi uellent semel et iterum à medicis perquisiui: sed quid responderint, nunc mihi non uenit in mentem. Cass. Quid aliud respondere potuerūt, quàm quod ea ramenta, cum in lotium redduntur, tunc uesicam derodi & exedi significant? Atque adeo, nisi succurratur, ulcus passuram portant. Non desunt huius generis penè infinita exempla. Vnde tu possis dijudicare, quid interest inter signa, quæ rem præsentem consignant, quæq; futuram intentant, utraque in ramentis cadentib. cum urina notata sunt. Ideo pluribus exemplis supersedeo, quoniam in re

E aper

aperta diutissime cōmorari non est operæ pre-  
 cium. Quin locos potius, ex quibus signa de-  
 promi possunt, ostendere pernecessarium mi-  
 hi esse uidetur. nam earum rerum quæ abscon-  
 ditæ sunt, demonstrato & notato loco facilis  
 inuentio est. Itaque loci sunt alij ἐντοχοι, alij  
 ἀντοχοι, hoc est alij artificiosi, alij artis exper-  
 tes. Bonf. Dic artificiosos. Cass. Sunt illi  
 omnes, qui in ea ipsa re in qua versatur medi-  
 cus, hærent & includuntur. Expertes artis  
 partim assumuntur extrinsecus, partim insiti  
 sunt. Bonfid. In re quænam hærent? Cass.  
 Actiones læsæ, excretiones, symptomata cō-  
 munia, morbus, natura. Bonfid. Quot ex-  
 trinsecus assumuntur? Cass. Octo. Bonf.  
 Cedo. Cass. Aer, regio, partes anni, ratio  
 uictus, iuuentia, lædencia, causa externæ, pa-  
 rentes. Bonf. Quot sunt insiti? Cass. Sex.  
 Bonfid. Numera. Cass. Temperatura,  
 ætas, sexus, animi affectus, consuetudo, studi-  
 um. Bonfid. Rectè teneo locorum numerū:  
 sed modum inde petendi signa nondum intelli-  
 go. Cass. Facilis ipse est, qui in numerato ha-  
 bet

bet locos. Bonfad. Age obsecro mecū planius, & periclitare exemplis, initio, si tibi uideatur, sumpto ab actionibus, quarū multo ante quā ad signa conuerteres orationem, meministi. Cass. Cum mihi persuadeam, tibi id altē animo inhærere, quodcunq; dixi supra de triplici actionum genere, non est quamobrem eadem repetendo longū faciam. Abundē enim credo tibi factum erit satis, si actionum aliqua impedimenta ( cuncta persequi sit propemodum infinitum ) breuiter retulero. Ex ijs sponte tua reliqua cognosces, quæ tibi notabunt & significabunt morbi certas & causas, & sedes. Ne lōgius abieris, cogitatio impedita quidem, quo minus ad suum arbitrium fabricetur aliquid & architectetur, indicat anteriorem capitis partem obsideri frigore: abolita uero, & æstare, & incendio corrumpi significat. Deprauatio iudicij, opinionūq; uanitas satis est signi, mediū caput, ubi recta iudicandi ratio quasi domiciliū suum posuit, grauiter perpeti. Aeger qui præter solitū memorie beneficio adaugetur, quā admodū argumento

est occiput siccius euasisse : sic quoque qui uenit in obliuionem, ut nulla penè sit memoria, si gna expressa & non adumbrata ostendit, eãdem capitis partem iusto plus madere, atque algere. Aspectus aeris & oculorum mobilitas, caussam esse calidam indicat, frigidam uerò segnities, & torpor, propterea quòd intercluduntur, & frigore quasi congelant meatus, quo minus ad oculos diffusi spiritus ferantur. sed quid pluribus moror? Reliquorũ itidem sensuum incommoda & offensiones sua signa dabunt, quæ tu ipse nullo negotio poteris adnotare, si modo quid sit commune sensibus cum cerebro, ante omnia animum attendere uolueris, & certum perspectumq; habere. Et quis motus celeris, aut tardi, quocunq; cieri in loco conspexerit, protinus caussam non agnoscat? & multo manifestius quàm à me referatur. Quis nescit, cum feruent ira & leui de caussa commouentur ægri, tũc in corde sanguinem æstuantem magnopere agitari? aut cũ reformidant, & (ut aiunt) propriã metuunt umbram, frigere penitus ac desiderare?

Ex

Ex arterijs etiam uitalis facultatis signa & notas habebis. Crebri enim motus imbecillitatem eius demonstrant & notant, pariter quæ caloris feruorem plus atque plus uirium acquisiuisse. Magni uero ictus miram fortitudinem ac robur ostendunt. Materiam quoque genus, per quam uitæ autor, ipsum cor, & in morbo est, & conficitur ad diuersos hosce motus aestimare opinione mea poteris, utrum supra modum sicca sit, an frigida, an calida, an humida. nam pro eius genere & modulo saluunt sub pollice uarijs rhythmis arteriæ. Repetuntur et à facultatibus naturalibus propria signa, quæ mirifice uariant, & mutantur. Qualia enim sunt beneficia quæ conferuntur ab illis in partes corporis, quibus data uis est ut nutriantur, attrahendi, continendi, concoquendi, expellendi, talia apparere signa oportet. Hic plurimam recensere possem, sed ad alios locos festinat oratio. Ab excretionis essentia, tempore, qualitate, magnitudine sumuntur indicia. Essentia quidem aut toto genere, aut aliqua ex parte est præter naturam. Quod pus uel ra-

mentum aliquod è naribus egrediatur, prorsus naturæ consilio id aduersatur. Quod itidem ore pituita excreetur, aut è uesica urina reddatur, quia per idoneos sius exitus ue excernitur, iccirco natura non esse alienum iudicatur. Veruntamen quando aut modum non facit, aut mutat formam propriam, hoc ipsum quod commodo ductu excutitur, non omni ex parte, sed quoquo modo repugnare planissime cõstat. Tempus uerò excretionis etiã obseruandum est, sua etenim signa certaq; ostendat. Ecquis non conijcit, quando statis horarum curriculis corpore agitur materia, et foras quatitur, morbum constantem pertinacemq; fore? Rursum incertas cum seruat periodos, nec dum cum constitisse aliqua in sede, neque alte hæsisse, cuique fit credibile & probabile. Iam uerò qualitas magnam copiam signorum tibi suppeditabit, si omnes eius species diligenter scrutaberis. Quæ tactum mouet, talem esse causam, quæ morbum alit, qualis ipsamet est, planè demonstrat. si calida est, morbi autorem esse calorem significat: si frigida,



frigida, frigus: si humida, humorem: si sicca, siccitatem. Color niger designat excellentiā bilis atræ, albus pituitæ, liuidus omnino putrescentis succi. Fragor, qui in anfractibus aurium sentitur, flatulentum & humentem plus iusto humorem esse, indicium dat & facit. At uerò sonus qui citra ullum stridorē auditur, flatum duntaxat infestare satis signi est. Sapor qui gustatus salsus percipitur, pituitam adustam putremq̃, insipidus autem frigidam potius quàm dulcem testificatur. mitto saporem amarum, dulcem, acrem, acidum, acerbum: mitto odores uarios, & cæteras species qualitatis, quoniam quid cuiq̃ significetur, multi uiri artis medicæ experientes memoriæ prodiderunt. Et ego quidem non habeo in animo congerere, myriadas signorum, sed indicare sedes illorum proprias, & quasi digittum ad fontem intendere. Vnde & quantum sat erit, & quantum te non pœnitebit, haurire possis. Institutum igitur opus tua bona uenia persequar, & quod sit reliqui absoluā perficiamq̃, Dijs ipsis beneuolentibus. Dixi, ut  
mibi

mihi uideor de excretionis substantia, & qua-  
 litate, sequens est ut paucis quantitatem com-  
 plexus, ad symptomata simul & naturam mor-  
 bi, orationem transferam. Porro excremen-  
 torum copia, quæ uno atq; eodem tempore dei-  
 citur, fidem facit, vires expultricis facultatis  
 magnopere uigere et consistere: ubi uero per  
 pauca, et illa quidem per interualla eijciuntur,  
 multam coniecturam afferunt & impellunt  
 ad suspicandum de aliqua harum trium caus-  
 sarum, aut quod est in corpore recremento-  
 rum mira paucitas; aut quod expellendi uis iam  
 fatiscit, & languet: aut quod tanta moles lo-  
 co incumbit, ut necesse sit paulatim transmie-  
 ti & amandari. A symptomatibus & morbi  
 genere simili quoque rationis modo signa pe-  
 tuntur. quemadmodum enim habitus, qui est  
 constans ægrotatio, significat materiam, quæ  
 est ueluti seminarium ipsius, esse ualde frigidam  
 & contumacem, sic mediusfidius æris, non ad  
 modum frigidam, sed blandam, mitem, mobi-  
 lem, facilem, & naturæ dicto imperioq; au-  
 dientem, & ut illud morbi genus vires corpo-  
 ris

ris esse imbecillas monstrat, ita quoque hoc ualidas firmas uel designat. Singulae item qualitates symptomatum suis non carent notis. Calor quidem signum est materiae, aut intemperiei calidae, frigus uero frigidae, siccitas sicca, et eodem modo humiditas humida. Facies tota data in rubore, redudantis sanguinis index est. Color flauus exuperantia pallidae bilis, niger atris succi, albus pituitae commonstrat. Sibilus auribus molestus, flatulentam materiam consignat: undarum uero murmur, tenacem pertinacemque, et caloris imbecillitatem. Sapor amarus bilem in capite effervescentem, insipidus pituitam affluentem, laeuitas summae cutis materiam humentem, asperitas exarescentem demonstrat. Oculi subsidentes, argutae nares, caua tempora, languidulae genae, figuram notamque moribundae et cadauerosae faciei insigniter exprimunt. Ac uero simili ratione a symptomatum quantitate distincta signa depromi notarique possunt, uti a plenitudine et inanitate tam uenarum quam arteriarum, quamque aliarum partium.

F. quidem

quidem quæ oppletæ sunt, & in tumorem at-  
tolluntur, indicant multum sanguinis, aut re-  
liqui humoris plurimū affluere. Arteriæ ue-  
rò quæ tument, multo flatu spirituq; obsiden-  
tur. Quid rursus inanes signi dent, rerū con-  
trariarū ipsa ratio docet. Turgidi muscoli,  
multo humore perfusi refertiq; sunt. Vomica  
quæ occupauit, loci uires infirmas esse, plenissi-  
me probat. Hic consultò locum affectum sym-  
ptomate, tempus & motus uarios symptoma-  
tis prætermitto: propterea quod cuique uel  
artis medicæ imperito, qualia signa inde peti  
possint, manifestè cōstat. Quis obsecro te, quā-  
do partes internæ dolent, non habet pro com-  
perto signo, dolorem intus esse: uicissimq; fo-  
ris, quando externæ laborant? Nemo sanè e-  
tiam dubitat, dolore qui nūquam intermittit,  
indicari morbum ex proprio affectu esse: ex  
consensu uerò aliarum partium plerunq; pen-  
dere, qui per interualla exercet corpus. Nec  
quisquam ambigit, quin motus celeritas testi-  
ficetur, aut materiam feruere, aut locum qui  
patitur dignitate, uel sensus acumine excelle-  
re:

re: et præsertim is qui probè nouit, ut facultas naturalis derepente concitatur, & ueloces incursiones facit in illud ipsum quod sentit esse corpori permolestum & exitiale. Atque hæc hæctenus de locis qui hærent in re. nunc uenio ad eos quos artis expertes à principio esse dicebam: & propterea, quia haud multum artificij habent, non ero multus in dicendo, sed enumerando singillatim disponam, ne putes à me idcirco negligi quia silentio inuoluissẽ. quin etiã pernecessarios medico esse arbitror, atque mirandum in modum utiles ad morborum inuentionem; quos aut communi signo, aut proprio adducti disquirimus ac notamus. Ex uictus ratione, Dij boni, quàm facile est genus morbi intelligere. Cibi enim sicci & calidi, hoc est qui bilem multam aggerunt in corpore, morbos biliosos, ueluti tertianas exquisitas, febres ardentes, quas labores Græci nominant, ciere solent. At frigidi & humidi pituitosas ægritudines, sicci pariter & frigidi melancholicas pariunt: cuiusmodi Alexandrinos tentari præcipuè Galenus, & multo

ipsum Lucretius poeta memoriae prodidit. *Ii enim cū lente, zytho, salsamētis, asinina uescerentur, ex elephātia morbo, quē ante tempora Cn. Pōpeij nondū senserat Italia, laborare cōsueuerant. in id morbi genus procliuiiores sunt Scythæ, quos uocant γαλακτωπας, q̄ Germani, quā Myſi. Nec profectō aliam ob causam hoc accidit, quā propter ciborum genera. Non enim omnes nationes, neque omnes homines, eodem uictu utuntur. Nomades elephantis uescuntur, Agriophagi pantheris ac leonibus, Parthi et Mardi locustis. Alius est philosycus, hoc est mire appetit ficus, quemadmodum Plato appetiſſe commemoratur. Alius, ut olim Nero imperator, porro, cepa, & alijs cibus acris saporis delectatur. Alij, ut Protogeni, mirifice sapiunt lupini. alijs alius gratus & iucundus est cibus. Ex quo mirum uideri non debet, si uaria morborum genera pro ciborum natura, quæ sunt peculiaria & nationibus & priuatis hominib. nascātur. Regio etiam sua profert signa, quibus, suspicione attingit saltem medicus eos morbos,*

morbos, qui aut populatim grassantur, aut proprii sunt alicuius oræ. illos quidē uocat Hippocrates *ἐντομῶν*, hos uero *ἐξωτῶν*. Reperiuntur enim plerumque terrarum quidam saluberrimi tractus, in quib. nūquam sæuit pestilentia, ut Locris et Crotone, si Vitruuius credimus: cui multum equidem tribuo, & fidem habeo. At sæpe uideas, qui oras maritimas incolūt, eos elephantiasī grauiter tentari: qui loca sub alpibus, & Pyreneis montibus inhabitant, ijs semper molesta est pituita. alij in locis alijs, proprijs afficiuntur & consumuntur morbis. Quamobrem magni refert, regionum naturam, potestatemq; & incommoda noscere, & fortasse non minus quàm uim qualitatemue aeris, & animi partium intelligere. Cuncta tamen præstat quàm diligentissime obseruare; ne iudicium quod fertur, paucis coniecturæ notis confirmatum, aliqua ex parte uacillet. Plurimi enim interest quale sit cœlum, aut anni tempus. Sanè crassus aer destillationes grauedinesq; excitat. idem quoque agitatus flatu uel austri, uel aquilonis,

multiplici inualetudine corpora conturbat.

Autumno morbi lethales, uel diurni, uere magis salubres, nasci solēt. Mitto ea quæ iuuant, & lædunt, hoc est morbum minuunt uel depellunt, aut gignunt, uel exacerbant: mitto causas externas, unde signa generis ægritudinum inueniuntur, & notantur. Mit-

to parentes, ex quibus morbi hæreditarij fiunt & noscuntur: ut parentibus ijs qui laborant ex articulis, notu. si incidat in dolorē arthriticum, metuendum est ab arthride. Bonf.

Quid temperatura, non ne ostendit indicia, et signa sua patefacit? Cass. Quid ni? imò biliosa febribus tertianis obnoxia est, atq; alia suscitatur alios morbos. Bonfad. Quid ætas?

Cass. Singulis ætatibus certi morbi sunt magis familiares, quemadmodum longo rerum usu comprobatum est. Bonfad. Quid sexus?

Cass. Nec is est à medico dissimulandus.

Bonf. Cur ita? Cass. Quia plurimi refert utrum sit eunuchus an uir, mas an femina, nam eunuchi podagra non torquentur, nec calui fiunt. Neque mulier laborat podagra,

gra,



gra, nisi menses eam defecerint. Bonf. Quid animi affectus? Cass. An nescis cogitationes diuturnas & altas curas plurimum bilis atræ congerere, & febres quartanas promouere? Bonf. Quid studia? Cass. Quid rogas? quasi nescias omnes studiosos ferme esse caco stomachos, & morbis pituitosis ac melancholicis esse obnoxios: atq; alios diuersis negocijs occupatos, & artibus deditos, uaria perpeti incommoda? Bonf. Quid consuetudo? Cass. Magnas habet uires, mi Bonfadi, ut certissimas ex se præbeat significationes. Quando Antipater Sydonius, poeta uetus, suo die natali decumbebat in lectulo, tum facile medicus coniecturam facere potuit ex consuetudine, in quem morbum inciderat. Eū enim tradunt quotannis eo quidem die quo introiuit in uitam cōsueuisse febricula ipsā, quā Græci *ἡγουμένη* nominant, nostri diariam, affligi tantisper, quoad in longa senectū fatis cōcessit. Ptolemæus Philadelphus Rex Aegypti tentari podagra solebat: simili quoque morbo plerunq; ut accepi, Carolus Pannonia

*nia* Rex laborabat. *Ecquis* uecors medicus ;  
 qui simulac audiuiſſet Reges conqueri de pe-  
 dum dolore, continuo defixa mente in conſue-  
 tudinem, negaſſet podagram repetere? uſque  
 adeo à teneris aſſueſcere alicui morbo multū  
 eſt. Grauidis foeminis ſolent tunc menſes ire,  
 & plurimum lactis è mammis ſtillare, cum foe-  
 tus eſt in morbo. Quando igitur ſupprimun-  
 tur, licet conijcere foetum bene ualere. Si cui  
 cunque purgationes menſtrua ſolent reprimi,  
 neq; febris neq; horror ſuperuenire, ſed ſaſti-  
 dia accidere, ea uterū gerit: uerifiſimile eſt cū  
 hæc omnia pateretur *Aurelia*, accepto ſemi-  
 ne, *Cæſarem* concepiffe. Multis teſtimonijs  
 confirmarem, quàm longe lateq; uis conſuetu-  
 dinis pateat, niſi mihi perſuaderem te ſatis ſu-  
 perq; cognoscere, quanto uſui futura ſit mor-  
 bos inueſtiganti atq; curanti uera methodus.  
*Bonf.* Magnam mehercle utilitatem hinc,  
 & omnibus ex alijs locis percipi poſſe exiſti-  
 mo. Sed de illis nihil meminiſti, ex quibus ſi-  
 gna petūtur, dicta à Græcis *νεγροσικα*. Caſſ.  
 Nihil penitus loquendum eſſe duxi, propte-  
 rea

rea quod ab ijsdem locis deprimuntur. Et qui illos norit, utrosque nouerit. Exponam tamen locos aliquos, ut possis per te instituire deinceps artem repetendi cætera signa, quæ de industria prætermittuntur: paranda quidem tum ex ijs, tum ex plerisque alijs locis, quos supra commemorauimus. Abunde satis erunt igitur tres loci, uel quatuor ad summum, ad te promouendum instituendumque in cæteris: nempe actio læsa, symptomata, figura, morbi qualitas, prædictiones & præsenssiones rerum futurarum probabilibus notis docent & suppeditant. Sanè altus sapor, qui significat animales functiones præpediri, & grauiter lædi à frigidissima causa, lethargum minatur. Rursum uigilia, quæ continenter ægrum cruciant ob uehementem cerebri æstum, diram portant phrenitidem. Rarius & interceptus anhelitus, prænunciat insaniam. Ex uenarum pulsus uix credi posset, quam distinctè aduenientes morbos præcognoscant & intelligant boni medici. Ex symptomatibus sæpiissime portantur significationes rerum, ut sitis longa &

continua, uentriculi phlegmonem cōfore tan-  
 dem præsignificat. Frigida item præcordia  
 id ipsum futurum præmonstrant. A figura  
 etiam diuinandi prædicendiq; quæ sunt euen-  
 tura rationem inire possumus, ut corpus exte-  
 nuatum, macieq; confectum, & facies penè ari-  
 da, horridam tabem fore testificantur. Mira-  
 ri hic licet quæ sint à medicis animaduersa, et  
 ex hac sede tanquam ex penu refertissimo de-  
 prompta signa, de quibus coniecturam ipsi fa-  
 ciunt & præsentunt in posterum. Ex quali-  
 tate morbi, uix possum uerbis consequi, quan-  
 tam utilitatem capies, quantas opes, honores,  
 amicos parabis, quàm suspiciendum, admiran-  
 dum, colendū te cūctis præbebis. Quippe qui  
 dubios ægrotationū euentus antedecere pote-  
 ris, & quasi diuinus uates antè paulo denūcia-  
 re, sperandum ne sit de salute ægri, an potius  
 desperandum, utrum exiguo tempore duratu-  
 rus sit morbus, an posteaquàm longos adhi-  
 buerit cruciatus, mox sit abiturus. Nōne ma-  
 gna pollicetur hic locus? Bonf. Ita magna,  
 ut hominem possit reddere alterum Aescula-  
 pium,

pium, aut Serapim in terris. Sed magnopere uereor, ut hæc quæ mihi uidentur potius spectare ad uates, deos uel, quàm ad medicos, possim assequi. Cass. Sis ociosus à metu. ex animi sententia, nisi hæc artē desinas, tibi procedent. Bonf. Dij faxint. potius quiduis uel acerbissimum patiar, quàm eiusmodi inuentū Deorum relinquā & deseram. Tu ipse testis es, quanto desiderio tenear: testis est locupletiss. Dominicus Castellus, iuuenis hercle & doctus, & benè moratus, quàm expetentissimus sim medicæ artis. ad quam eo sanè tempore quo philosophiæ mysterijs ambo initiati sumus, de repente animum adpuli; non tamen me totum sic addixi & dedidi, ut à sacra philosophia ueluti transfuga ad hæc deficerē, quin utriquē nomen meum dedi, & sacramento dixi. Cass. Prudenter factum, mea quidem sententia. altera enim doctrina et morib. animū ornare, altera autem amicos parere, & collocupletare, & fortunam adaugere qualemcūq; nunc possides, teq; beatum, aut unum de paucis reddere poterit. Bonf. Deo & for-

tunc omnia committo, tu uero redi interea in uiam. Nam nescio quomodo aberrasti, & aliò tua deflexit oratio, quæ meam cogitationem quàm longissime à re instituta abducere incipiebat; & abduxisset quidem, nisi ostenta paulo supra spes præsagiendi, animo inhaesisset et admonuisset. Agedū igitur id expone quod instituisti. Non minus etiā attentū nunc, quàm antea, me fore recipio. Cass. Audi ergo, & animaduerte qualem tibi describendo proponā morbū. Arbitror enim, ubi cognoueris eius curriculū, patēre statim aditū in prædictiones. Et sanè ut nauigādi doctus magister imbres, nimbos, procellas, turbines, cæterasque tēpestates certo aliquo cæli signo prænosces, antequā in alto iactatur, portum cogitat: sic qui morborū aduenientiū cursus probè intelligit, is quāta uis & ueluti tēpestas ægro impēdeat præsentiens, cogitatione præcipit uitæ spē, uel mortis timorem, quocirca talem fore exitum, uel breuem uel tardū, uel bonum uel malum, longa obseruatione compertum est quale futurū est genus morbi. Acutissimus namque

namq; morbus, nec expectatione boni diu suspensum tenet, nec longa desperatione confligit, sed quatuor diebus finitur: cuiusmodi est conuulsio, & tetanus. Peracutus septem dierum spacio solet terminari, ueluti febris synocha dicta à Græcis. Acutum autem quatuordecim dierum non egredi curriculum, Hippocrates ille Couis in Aphorismis scriptum nobis reliquit: quales sunt tertianæ illæ, quas Galenus ægrius nominat. Mediocris morbus amplius quadräginta dies nõ producitur. Chronicus mensibus plurimis, & sæpiissime annis, ægrotos conficit longis cruciatibus. Malignus principio quidem sese medico facilem & mitem præbet, sed progressu temporis uirus alit, & clandestinis insidijs oppugnat, & nullum prius iudiciũ de se ferri sinit, quàm exitium parauerit, & oppresserit, usq; adeo incertæ sunt eius notiones, ut dum ægroto anima est, plerunq; spem magnam faciat, & ostendat. Perniciosus nullam curam recipit, & manifestò affert mortem. Salubris is ipse est, in quo nihil desperandũ est, duce peri



to medico, & auspice medico. In periculoso morbo, salutis dubia spes est, & in æqua lance pendet, ut boni medici cura & diligentia à morbo æger conualescat, mali autem culpa & inertia consumptus intereat. At uerò is periculo uacat, qui maiorem uitæ spem ostendit, quàm mortis metum affert. Est quoque acutus, & ille quidem tropicus, qui si pertranseat quatuordecim dies, quibus exigi & absolui solet, ad uiginti usque decurrit: atque hoc interim spacio, nisi sese sistat, ad diem uel quadragesimum progrediendo plerunque lateris abscessus molitur. id quod sanè Anaxionis exemplo Galenus Pergamenus sapissime confirmauit. Bonf. Sed uide amabo, ne ista tua descriptione morborum, in acutissimos etiam referas febrem diariam, quippe quæ ocysime finiatur. Cass. Parum attendis animum ad rei naturam. nam motus acutorum morborum, de quibus tecum nuper sum collocutus, ueloces sunt, & oppido quàm præcipientes. non omnes quidè febres, quæ sunt breues, easdem esse acutas necessum est. Siquidem diariæ & aliæ  
fe-



febriculæ, quas causa levis ciet & fouet, exiguu temporis cursu, nisi delinquat æger, aut aberret medicus, soluuntur, & interstinguuntur. propterea inter acutas ægri tudines recenseri, nulla ratione uolo. Bonf. Ergo celeritate motus dignoscuntur. Cass. Sic. Bonf. Motus uero differentiam unde dignoscere potero? Cass. Non aliunde melius, & exquisitius, quam ex symptomatibus, ex succorum uitio aut copia, ex corporis ægri habitu aut temperatura, ex facultate tum uitali tum animali, tum naturali. Bonf. Quomodo? Cass. Aduerte, te paucis edocebo. Bonfad. Doceri cupio. Cass. Res est cognitu facilis. quando enim dura ac grauiasymptomataurgent, certum et omnino perspicuum est, morbum accelerare, & præproprio motu ad exitum festinare. Ex quo potest experiens prudens uel medicus antè prædicere, an æger sit uita decessurus, an perfunctus periculo, ea quæ sibi adhuc superat luce fruiturus est: idquæstimabit ad morbi tempora, in quibus humor crudus concoctus uel spectatur, atquæ ad crises

tempe-

tempestiuas & intempestiuas. Pro succi autē corrupti genere, ac modo, cursus morbi producitur, aut cōtrahitur. Vsu enim iā ab hinc tot sæculis compertum est, ægrotationem ex pituitæ diutius, quàm flauæ bilis uitio extrahi, rursumq; ex alterutrius paucitate, breuiori tempore, quàm ex copia terminari. Corpus itidem rarum & laxum, diu non suffert morbum, sed bene densum ac solidum ualidius obsistit, & conficitur serius. Temperatura etiam perutilis est ad prædictiones. Temperatura autem appellatione contineri nunc uolo corporis temperationem, ætatem, anni partes, cœli constitutionem, locum, regionē. Corpora igitur quæ nacta sunt temperationē calidam siccā uē, quæq; ætate florent, et sub cœlo æstuante regionem feruidam inhabitant, uerisimillimum est, aut subito conualescere, aut morbo consumpta in quo diutissime esse nequeūt, interire. uicissim quoq; in acri hyeme, quæ frigidum locum incolunt, postquam ægrotauerint, tardius aut liberantur & sanantur, aut extinguuntur. A uitali illa ui coniecturam

lecturam licet etiam facias, ut an pulsus uenarum sit magnus an paruus, frequens ne an rarus, durus an mollis, an alio & subinde alio uariet modo. nam pro se quisque motus testificatur progressum morbi, & exitum. Facultas identidem animalis maximo usui tibi erit, quotiescunque expendes animo, & diiudicabis utrum motus & sensus, qui ab ea proficiuntur, & toto se miscent corpore, excellenter uigeant, ac ualeant, citoq; excitentur, an iaceant, stupeant, torpeant. Iam uero et facultas naturalis mirifice ad hoc ipsum conducit, præsertim cum eius officium, quod aestimatur ad actiones pro corpore obeundas, exactè cognoscitur. Prout enim concoquit, digerit, materiam inutilem depellit, utilem segregat, & pro alimento continet, & recondit; sic diligens & solers medicus, quæ sunt futura potest intelligere, & in uulgus indicare. Audisti itaque morborum uariates cursus, unde possis signa prædicendi repetere. Tu uero ne quid à me desideres, quod pertineat ad hanc rem, de reliquo, nisi tibi plenissime satis.

H factum

factum est, percunctare. Hunc enim totum di-  
em tibi uni dare constituit. Bonfad. Nihil  
quod sciam, superest aliud, quàm tibi singula-  
res gratias habere, & si unquam poterit fie-  
ri, pares uel maiores reponere. Et quamuis  
alijs de causis plurimum te amem, atque ma-  
gnopere debeam, nunc tamen ita in perpetuū  
me deuinxisti beneficio, ut quid abs te accipe-  
re possim amplius, non uideam. Cass. Nun-  
quam de tua mirifica grati animi uoluntate du-  
bitauī, sed quod profitearis te mihi plurimum  
debere, & de hac mea opella multum amare,  
facis sanè ex quadam potius abundantia amo-  
ris & humanitatis, quæ quidem singularis in  
te resplēdet, quàm quod beneficio aliquo à me  
sis affectus. Bonf. Humanitatem profectò,  
quam in me inesse prædicas, ut uere fatear, nū-  
quam exui, & nihil humani alienum à meo in-  
genio esse putauī: propterea quod homo sum,  
Italo sum natus parente, nō barbaro, nō Scy-  
tha, nō Pœno. Bonfadius sum, non Busiris, nō  
Phalaris. Scis quantopere uel nomen eorum  
oderim, quos fuisse ingratos ex ueteribus &  
recen-

recentioribus scriptoribus memoriter apud  
 merrecitare interdum soles. ô quàm animo ual  
 de commoto nudius quartus audiebam te, men  
 tionem facientem de Cræso Lydorum rege,  
 de Pharnace, de Pompilio illo in quem Cice  
 ronis promeritū incredibile extitit: de Da  
 rio Artaxerxis filio, de Xerxe filio Pithij,  
 atq; alijs plerisque, qui memoria exciderunt.  
 At quanto molestius & indignius ferebam  
 tuam orationem, quæ mox deflectebat ad illū  
 ipsum Herculem, qui fuit etiā puerulus in di  
 sciplinam boni Lini, & morum integerrimū  
 traditus. Dij boni quàm stomachabat, & ta  
 cite succensebam, cum hoc exemplo mihi da  
 res molestas recordationes tui Agamemno  
 nis, de quo ad promerendum semper tam fui  
 sti expeditus & promptus, ille à referenda  
 gratia perpetuò fuit alienus, nec ingrati ani  
 mi crimen horruit: in quo uitio nihil mali non  
 inest. Quamobrē sic mihi à natura compara  
 tum esse sentio, ut uiros humanos & qui meri  
 tam alicui gratiam memori mente persoluūt,  
 plurimi faciam, & incredibili beneuolentia

prosequar, & in eorum nomine multum recre-  
er. *Cass.* Scio mi suauissime *Bonsadi*, quā-  
tum in te reluceat hæc uirtus, atque in dies ma-  
gis & imago reipsa experior ingenij tui mā-  
suetudinem, lenitatem, liberalitatem, iucundis-  
simosque mores, quos tibi natura dedit, ut  
humanitatis & gratæ uoluntatis multum ha-  
beres, propterea mirum non est, si quod pro  
nihilò ducendum esse puto, id tu pro maximo  
beneficio habere uis. Quocirca noli tibi per-  
suadere, te mihi in perpetuum esse deuinctum,  
quoniam lege naturæ tibi debeo. Nosti enim  
hominem esse homini Deum, & mortali pro-  
desse mortalem. *Bons.* Ne igitur tecū uer-  
bis amplius contendam, id omne, quoniam ita  
uis, in benignitate humanitateq; tua reponā,  
nusquam, si occasionem nanciscar certā di mu-  
tuis officijs, prætermisurus. *Cass.* Valde  
benignum te præbes, & non desinis incurrere  
in crimen hominis nimium memoris, nimiumq;  
grati. Ego quidem methodum inueniendorum  
morborum non eò exposui, quòd sperarem te  
grata memoria prosequuturū nomen meum,  
sed

sed quod cognoscebam tibi uehementer me gratum esse facturum. Quinetiam plura & longe meliora dicturus sum, ubi sensero hæc placuisse, & per me non mediocriter te profecisse.

Opera enim ea mirabiliter delectat, laborēq; leuat, quæ non luditur: ac eo est iucundior & gratior, quo amicior & beneuolentior is est, pro quo libenter suscipitur. Tu uero cum mihi unus occurreris, quem ita ualde amo, ut tuo patri concedam, præterea nemini, nihil mirum sit, si ad dicendum multo grauiora & complura sum paratus, & in primis opto & à Dijs immortalibus precor, ut magnos processus in arte medica facias, atque adeo opinionem, quam de te iam pridem concepi, non modo sustineas, uerumetiam superes. id quod sanè fore minime dubito, si in his pauculis locis, quos tradidi, assidue te exercere uolueris. Tantum enim consuetudo, usus, meditatio, exercitatio quæ ualeat, quemadmodum tuus atque idem noster Cicero scribit, ut nec Imperatores, nec Oratores, nec Medici, quauis artis præcepta tradiderint, quicquam magna lau-



de dignum sine ea consequi possint. Tibi autē exercendi occasio & otium non deest, non deest ingenium, nec corporis bonam ualitudinem desideras, uoluntatem propensam in id studij genus habes: quam constanter retineas, et uolo, & adhortor. Bonf. *Ὁ δὲ παλαιὸς ἰατρίῳ* *ἔγωγ*. Ideo non possum non esse tibi perpetuis beneficij deinctus, qui præterquam quod aditum patefecisti ad medicinam, etiam nunc cohortaris, ne uolūtatem abijciā, atq; adeo amecē admones, ut meorum commodorū quā studiōsissimum te esse cognoscam. Quamobrem inhumanus profectō essem, et planē ingratus, & in me periniquus, nisi recta monenti obtemperarem. Faciam sanē quod præcipis. & meū firmum atque constantem animum in medicinam retinebo, ac exercitationi me totum dabo, & in istud studium diligenter incumbam. Verum quia aduersperascit, & opinor me expectari, tua bona uenia redibo ad meum hospitium. Tu interea quid statuisti agere? Cass. Quid aliud? quā quod necesse est hoc reliquum temporis dare alteri amico, qui dat hodie



die sua natalicia in uico Pantheo. Bonf. For  
ris igitur cœnas? Cass. Maxime. Bonfad.  
Apud quem, obsecro te. Cass. Apud Franc.  
Bergomatem cæno. Bonf. Morzentūne  
dicis? inuenem non minus græcè quàm latine  
doctum. illum ne, & amicum, & hospitem no  
strum? Cass. Illum sanè. Bonf. O me for  
tunatum, o me beatum terq; quaterq; cui dij  
deæq; omnes hoc die tātò opere fauēt. nūc Cras  
si diuitias & prata contemno. certe hic unus  
dies mihi uidetur superasse illos omnes, qui tã  
foeliciter Samio Policrati, et Euippo regi in  
uita illuxerunt. Quid est cur & me non pa  
riter foelicem tu existimas, atque Apollo  
putauit esse Aglaum? Si ille, quia oblectatus  
prædiolo acquieuit, foelix est habitus: quam  
obrem ego, cõtentus tuo docto sermone quem  
habuisti de inuentione morborum, & ut  
spero alia de re fortasse grauiore facies, in  
hac nitida & frugali cænula, ueram foelicitate  
tem non sum consequutus? Cass. Heus tibi,  
ne quoq; cœnam indixit? Bonf. Maxime, et  
rogauit. Cass. O bene factum. posset fieri ut

*inferatur sermo & collocutio de altera methodo, quæ pertinet ad curādos morbos. Scio enim omnes conuiuas fore medicos. ex quibus duo aderūt, eruditi & ingenui iuuenes: Cot. Costa, & Hieronymus Donzellinus. horū quidem alter sæpenumero mecum solet colloqui, & libenter delabi in huiusmodi sermonem, ut eliciat meam sententiā: alter uero studiosè proponit eadem de re suam opinionem, ut suam uerbis habitis ultro citroq̃, quomodo approbem, periculum faciat. Ego uerò, quia ad hunc congressum familiarem paratus accedo, nihil malo quàm incidere mentionem de ratione curandorum morborum. Quod quidem, si bene cōiectura auguror, futurū esse cōfido. Bonf. Imus ergo, ne conuiuis simus in mora. Credo nos & optatos, & expectatos aduenturos. iam enim declarata est uigesima tertia hora, nisi mea me fallit opinio. quare maturato opus est. quin dedisse nos in uiam oportuit, sed ecce uocatore: nonne tibi prædico, serò nos accedere? Cass. Quis uocat? Bonf. Nū uidēs ut properat ruffus ille, & pusio, cogno-  
mento*

mento Syrus. Cass. Video, at sine huc ad nos ueniat. Est profectò Franc. Morzenti puer, sanè ipsus est. Syre men quæris? Syr. Te & Bonfadiū quæro, & plurimā salutem do iterum atque iterum nomine mei heri, qui utrosque expectat. nam reliqui conuiuæ dudū conuenerunt: cuncta sunt parata, coquus obmurmurat, iuscula corrumpi ait, cōqueritur, & fermè succenset uobis. Bonf. Syre mi, ut uides, ornamus iter. sed tu statim reuertere, et redde salutem primum omnibus, nostris uerbis, deinde significa nos præpopere uenire. Syrus. Redeo: at festinate, obsecro festinate, longa uia est quæ ducit ad ædes. Bonf. Porro, si sciuissem cænā hanc fore cōmunem, nunquā cōmississem, ut alijs nostra cūctatione essemus molesti. Cum igitur facta infecta reddi nequeant, erit operæ precium interea dū properamus, ne uideamur subrustici, causam aliquam probabilem excogitare, quæ possit idonea excusatione tarditatem tegere.

Cass. Laudo tuum consilium, & mirificè approbo. Quid igitur, si causabimur latrūculos

I aut

aut fritillum, aut ludum ciuitatum, quem ipsi  
norunt utrique nostrum mirandum in modum  
placere? Bonf. Minime gentium. Cass.  
Quid si dicamus uoluisse quidem maturius ue  
nire, at non licuisse per tempestatem? Bonf.  
Nec sic nos purgabis illis. Cass. Quid si sin  
gamus non defuisse uoluntatem, sed necessita  
tem uetuisse? Bonfad. Non fiet credibile.  
Cass. Quid si in dolorem capitis, culpam rei  
ciamus? Bonfad. Multo erit minus uerissi  
mile. Cass. Quid si dicamus liberum nobis  
non fuisse adire illos, amorib. districtis? Bon  
fad. Excusatio tua longe minus iusta est, q̃  
uellem. Cass. Quid rei ergo percunctatibus  
quare tam serò uenimus, obstitisse respondebi  
mus? Bonfad. Quid aliud, quàm colloquiū  
mutuum? Omnes enim probè sciunt me habuis  
se in animo, & constituiisse, ut hodiernam ope  
ram tibi diligenter darem intra domesticos  
parietes. Cass. Apage apage sis, ne acci  
piant orationē. Peruenimus ad ædes iā, quod  
quidem nondum putaram. cæne sunt ædes?  
Cass. Sunt. Bonf. Agamne Lacedæmo  
nium,

nium, an ualidé fores pultem? Cass. Imò ualidissimè, ut sentiat tota domus nos aduentare. & si libet, per me non stat, quin quanta potes uoce clames. Bonf. Syre, Syre, aperi aclutum. Quid faceres? Oportet hoc tempore abijcere omnē tristitiam, & interdū Catonianæ seueritatis obliuisci. Syr. Dij boni boni, ut concrepuerunt fores. uisus sum profectò audire uocem Bonfadij. Agedū adcurram, & uisam quis sit. quis pulsat? Bonf. Tibi dico Syre, aperi. Syr. Hui tam cito uos aduolastis? Ego uix dum curriculo, quamuis currem, domum reuersus, herum uobis salutauī diligenter, & aduentum nunciaui, cū cœpistis egregie fores quaterere. Bonf. Vbi ubi est berus? Syr. En descendit ē gradibus. Franc. Saluete plurimum amicorum optimi, ornatissimi, clarissimi. Cass. Salue tu etiā atque etiam Bergomatum decus. Franc. Iā dudum ætatem uos manco. quid impedimento fuit cur tã serò accessistis? tacetis? Quid uos oro remoratum est? Cass. Districti negocijs, ad constitutam horam uenire non potui.

*mus. Franc. Scilicet negocia pessundabāc uos, quo minus potuissetis adesse in tempore, Hoc cōmentum, credo finxistis in uia, ut iure uideremini uestram causam tueri. Cass. Non profectò. Franc. Nullam excusationem accipio. Cass. Cur? Franc. Noui optime uestra ingenia. Bonfad. Sim ego a methodus, nisi totum hunc diem felicissime cū Cassio traduxerim. Franc. Scio, collusistis. Bonf. Imò collocuti sumus de re medica familiariter. Quocirca tantum abest ut collusores nos esse arbitreris, ut triennio ferme hoc toto nec chartas, nec aleam, nec talos contrectauerimus, nec in alio huius generis ludu animum oblectauerimus. Franc. Quid tu obsecro de re medica? Bonf. Quirogas? methodum uerbis ultro citroq; pluribus habitis, inueniendorum morborum sum edoctus. itaque consumptus est is dies. Franc. Præstaret etiam tenere rationem curandorum. Bonf. Atqui præstaret. sed nos dies defecit, & quod fuit reliquum temporis, huic tuæ cænæ dari oportuit, in qua spero me adhuc auditu-*

auditurum, quid Cassius de altera methodo  
 sentiat: præsertim cum acceperim hoc tuum  
 symposiū esse refertū multis studiosis medicæ  
 rei. Franc. Non opus est istis uerbis. exci-  
 pio uos nō ut disputatores, aut medicinæ pro-  
 fessores, sed ut meos compotores, congerro-  
 nes, cōuiuas. Ascendite igitur in conclaue, &  
 ponite in uestiario togas, parate uos ad cænā.  
 Cass. Satis parati sumus. Franc. Heus Sy-  
 re, cape igitur guttū ac patinam, & linteū hu-  
 mero suspende, da manibus aquam. quid ces-  
 sas? Bōf. Quia iubet herus, iccirco lauemus,  
 & accumbamus. laua Cassi, laua Hierony-  
 me. Cass. Laua tu prior. Bonf. Huiusmo-  
 di inepta officia relinquamus mulierculis,  
 quæ nunc etiā aulici fastidunt, unde tamen o-  
 lim profecta sunt. Lauemus omnes simul, ne te-  
 ramus tēpus huiusmodi moris inanibus. Frāc.  
 Agite satis fuistis in mora, accumbite, nulli  
 ego designo locum. quisque capiet, quem sibi  
 uolet. rectē: plus impetraui, quàm ausus fuissē  
 optare. hic discumbam postremus. Syre appo-  
 ne lactucam aceto conditam. Cass. Hoc ge-



nus oleris gratissimum palato est, & solet mihi semper esse initium cænæ. Bonfad. Mihi quoque uehementer sapit. at sæpe dubitavi in quod genus lactucarū referrem, hoc quo nūc uescimur. Cass. Plinius sanè tria genera lactucarum recenset, aliud nigrum, aliud purpureum, aliud candidum. Auicenna uerò duntaxat genera esse putat, alterum quidem sylvestre, alterum autè domesticū. in sylvestre uim papaueris inesse tradit, quā Plinius propter saporem nigro generi attribuit: quo fit ut arbiter, lactucam sylvestrē nihil differre à nigra. Huc etiā pertinet quod Dioscorides solo foliorum colore alteram ab altera distinguit. Scribit enim, sylvestrem habere minus candida, quàm domesticam, folia. unde in eā mentem impellor, ut credam sylvestrem iure optimo posse appellari nigram, si cum domestica & alba conferatur. Purpuream lactucam nec usquam memini me uidere: nec qualis sit, ut ingenue fatear, scio. alijs itaque uestigandum relinquo. Bonf. Quid si lactucam nigram interpretaremur mandragoram fœmē nam?



nam? quæ habet folia nigra, & illa quidem similia lactuæ, unde et à Græcis iure *ἑρδανίης* nuncupata est. Cass. Nihil incerti ausim affirmare in re admodum obscura et dubia, de mædragora. Cuius tria etiam genera esse commemorant. magna est controuersia, & præcipue de eo tertio genere, quod putat Hermolaus. Barbarus esse illud ipsum quod uulgus nominat Melonzellam: alij uero opinantur dici fabam inuersam, quam ego conijcio esse telephion. Franc. Mittite quæso hæc, & cibum capite, edite. *τὰ πέντε ἐπιμολτε, ἡγὰρ πλεονέχοντα.* Mensam non appono Sybariticam, sed Socraticam. Quid cunctamini discerpere capum hunc? Si nihil opipari paratum est, nihilue quod ad palatum faciat, æqui bonique consulite. Hospites enim me excepturum putabam, nec delicati nec multi cibi, sed multi ioci. Cass. Quis nostrum non boni consulat, cum pauones, attagenas, turdos, ex quadrupedibus autem leporem & dasipodem apposueris? Quid quæris? Apicium conuiuio accipere potuisses. Spe profecto falsus sum, qui

qui opinabar cœnam ea lege mihi condici, & cæteris, ut ne quid ex consuetudine immutaretur. Bonf. Ego quoque eram in eadem opinione. Quorsum tantus apparatus? quorsum tot epulæ? quorsum tot fercula saccharo condita? an putabat nos Zenonem laudare, sed ad præscriptũ Epicuri uiuere? Franc. Age bone uir, Stoicos & Cynicos cum suis ieiunijs cõtemne, & nunc omitte. Decerperem tibi quippiam si noscerem ingenium palati tui. at accipe hoc, saccharo optime conditũ. Bonfad. Dulcia non sapiunt. quanquam prouerbio fertur, fercula & iucundiora & conditura reddi saccharo: mihi tamen hæc conditio non sapit palato. Quin malim degustare animo quàm lingua sacchari naturam & uires, atque adeò differentiam, quam Cassius superioribus proximis diebus, disputans contra Manardi auditorem nescio quem, ostendebat inter hoc ipsum & mel. Cass. Num tenes meam sententiam? Bonfad. Minime. Cass. Quid ita? Bonfad. Non ueneram satis in tempore. disputationẽ penè finieras.

Cass.

Cass. Summatim nunc opinionem attingam. latius ac diligentius exposui in libro, qui inscribitur Epiphyllides, quum uoles legere poteris. Bonfad. Leua me hoc labore. Scis enim quàm sim laboris impatiens, quàm ægrè feram longam lectionem. itaq; si placet inter cænandum repetere, non multum laboro etiam si non exactè rem exponas. Cass. Galenus quidè pauca dixit in Capite de melle, ita ut multi æstimauerint, saccharum idem quod mel Galeno significari, & esse. ego uerò hoc interesse arbitror, quod mel est ros è cælo dimissus: saccharū autè est succus, seu liquor expressus de arüdinibus. Meluariat miris modis, tum propter fermentationem quam patitur in aluearibus, tum tactu apicularum, quæ sunt animalia sicci temperamēti: tum propter cæli statum, & florum qualitatem. Mel autem quod roridum, aut aereum uocatur, expers artis & industriæ apum, propriè manna ab imperita multitudine nuncupatur. quales itaque sunt flores qui perfunduntur rore, tale etiam futurū est mel. Si enim ros in thi-

K num

mū descenderit, mel profectò quod ex eo prudētes apiculæ conficient, & siccum & odorū sit necesse est, propterea quod huiusmodi est thimi natura. Sin autem frigidus pariter & aquosus flos extiterit, mel quoque teterrium, & fermè putre confici oportet. Quid in Sardinia, nonne amarum est? nempe quod ex absinthio rorē apiculæ colligūt. in Colchoe nenatum & grauem odorem profundens esse traditur, eo sanè quòd rorem uirosi floris, & tetri, apes depascuntur. Locorum quoque natura mel insigniter mutatur. in locis enim palustribus & lacustribus mel teterrimum fit. Montanum probatur maxime, quale est Himetium, & Hiblenum. Plerunq; uerò apes non modò gelidum rorem conuehunt ad aluearia, sed etiam integros flores gestant. Ex quo mirū uideri non debet, si mel sæpe nimium terrestre euadit. Dulce quidem est ob partes aereas, acre propter terrestres, & crassiusculas particulas. At uerò succus ex arundinibus recens expressus, habet dulcitudinem aquosam, ualdeq; insipidam, qualis sapo

por percipitur in illis cucumeribus, quos uulgo nominamus angurias. Nihil autem sapit, quia adhuc est crudus, & plurima aqua plenus, ideoq; non est dulcis. arte postea coctus, dulcior efficitur, quia partes terrestres in imo resident, & aquosæ ignis feruore absumuntur: at solum aeræ, quæ iunguntur cū temperato calore, relinquuntur. id sanè quod pomis accidere, pro cōperto quisque habet. Nam primitiū aquoso liquore redundant: deinde progressu temporis, quia concoquuntur, crassiusculo succo opplentur, & mitescunt, & dulcia redduntur, quia pars aerea permanet. Sic propemodum sacchari sordes, quando excoquitur, desident, & ea pars est quæ dicitur saccharum rubrum: in quo abstergerendi quanta uis insit, propter terrestres et ambustas partes, clysmatum usus docet. Quocirca quanto crebrius excoquitur, tãto efficientius expurgatur, atq; adeo partibus terrestribus residentibus, igneis uel exhalantibus dulcescit. siquidē partes tenues & aeræ, ut nuper dicebam, coniūctæ alijs calidis, & illis quidem temperatis,

remanent. dulcitus. enim nititur parte ae-  
 rea, et ignea, sed temperata. At mel quo plus  
 excoquis, eo plus atque plus amarescit. quoniam  
 am partes terrestres & aridae supersunt, &  
 aereae exhalant: quod sane in saccharo perco-  
 quendo non conspicitur. Hic non est cur in  
 quaestionem disceptationemque uocem, u-  
 trum prisci medici saccharum nouerint: id u-  
 num tantum asserere possum, nihil Arabas ha-  
 bere in quo se iactent authores, quod prius  
 Graecis medicis in usu non fuerit. Graecos me-  
 dicos nunc intelligi uolo recentiores, nimirum  
 Paulum, Aetium, Psellum, Oribasium, A-  
 etuarium, & reliquos qui non multo post flo-  
 ruerunt. Franc. Missa haec facite. Quin po-  
 tate, edite, has doctas. disputationes mittite,  
 & in alium diem potius reijcite. Hilaris in-  
 ter pocula esse decet. tu Bonfadi exporrige  
 frontem; abijce curas, propina Cassio, & se-  
 cum diem hunc laetum sume. Syre, infer calices  
 illius uini flauo plenos, quod arbitror esse mi-  
 tius, et salubrius, & dato singulis cyathos. ha-  
 bet enim & gratum colorem, & palatum mi-  
 rifice

*rifice iuuat. Cupio quidem exhilarare hosce  
 meos hospites, qui uidentur potius spectato-  
 res esse, quàm cōuiuæ. Heus tu accipe, nihil te  
 esse cerno in tota cæna. Bonfad. Ohe sat  
 est: non tã apponis, quàm obijcis cibũ. Franc.  
 Non te puto esse cicadam, ut rore uiuas. Bõ  
 fad. Strenuè administraui munus meũ. Frãc.  
 Colloquendo & audiendo. Bonf. Imò cæ-  
 nando. Franc. Heus pueri, quoniam nihil  
 etiam edere hos uideo, tollite istac, & bella-  
 ria quamprimum afferte. Quid subtristis es,  
 Bõfadi? Quin capis tragemata? Quid taces,  
 quid curarum te conficit? peregrinatur ne a-  
 nimus? Bonfad. Totus est in Cassio, cui da-  
 ri occasionem desiderabam, unde posset per  
 commodè inducere sermonem de methodo me-  
 dendi. Franc. Diei sunt obductæ tenebræ,  
 atque multum est noctis; iccirco in crastinũ  
 differri æquo animo patere. Bonf. O male-  
 factum, uobis male sit malæ tenebræ, quæ mihi  
 tam bellum, tam doctum sermonem abstulistis.  
 Cass. Esto præsentĩ animo: quod differtur,  
 id non auferetur. Cras enim bene mane, si ad*



meas ædes ueneris, nos inter nos de methodo colloquemur, & hilarem diem ex utriusque commodo sumemus, et transmittemus. Franc. Ego etiam cum hisce meis conuiuiis interesse cupio & opto. Cass. Vt lubet. Bonf. Dicamus ergo certam & constitutā horam sermoni faciendo. Franc. Dicamus. Cass. Esto undecima hora. Bonfad. Perplacet. Franc. Nobis quoque peropportuna uidetur, nihil restat igitur, nisi ut precer tibi & alijs felicem noctem. Bonf. Tibi etiam bono sit, & Deus adsit.

FRAN-



FRANCISCVS MOR  
ZENTVS, IAC. BONF.  
FADIVS, P. CASSIVS.

## FRANC.



Ommodum abrui somnum,  
cum diē illuxisse sensi. Bonf.  
Ego uero totā noctem in som-  
nem duxi, atq; ad mane summū  
usq; uigilaui, nunquā quieti me  
dare potui. Hesternā enim methodus sic altē  
inhæsit, ut partitio ac diuisio, per quam me-  
morie ipsam commendauī, animo assidue oc-  
cursauerit, & somnum ademerit. Franc. Sæ-  
pe fit, & à natura hominibus tributum est, ut  
quæ uigilantes uolunt & student, ea somniēt,  
de eis ualde sint solliciti. Vnde nō iniuria nox-  
curarum parens fingitur à poetis, & apta cō-  
templationi existimatur à Scopeliano sophi-  
sta, qui subinde solitus est exclamare, τὸ νῦν,  
οὐ γὰρ διὰ πλεονσοφίας μετίχας μίρος θείω. Bon-  
fad. Id unum scio, somnum hac nocte ocu-  
lis non uidisse meis. Franc. Ex uultu agno-  
sco, miris modis palles, Bonfad. Vt cunque.  
quin

quin rectè ad Hieronymum proficiscimur? Franc. Per me non stat. Bonf. Imus igitur, ne mihi ex animi sententia omnia ita cadant hodie, ut heri cecidisse sensi: profectò putarem me Dijs immortalibus gratum & iucundum esse, & quasi diuinitus fores apertas esse, ac patère ad sacrosanctam artem Apollinis. Franc. Pone metum, tristemq; animum, numen aderit. Ecce stans ante hostium Hieronymus, nos præstolatur. Bonfad. Age salutemus. Franc. Saluus sis, quid fit? Cass. Sto ante ædes, circumspectans sicubi locorum uos oculis cernam. Bonf. Adsumus, iube quocunque uis eundum, dictum ac factum ibimus. Cass. In hortū, ut sub uiridi lauro sedeamus, ire commodissimum erit. Patula enim est, & frondosa satis, comamq; patentem & proceram erigit, ut ualde apta mihi uideatur ad locum opacandum, atq; arcendum æstū. Franc. Nulla per Iouē, nec pro re convenientior arbor, nec cōmodior locus excogitari potuit. Laurus etenim Phœbo artis medica inuentori decus est, & illi gratissima,  
sub

sub qua auram & frigus amabile captantes,  
sine incommodo diem transigere licebit. Bon-  
fad. Licebit quidem. sed considamus ordi-  
ne: tu ad dextram concede, ego ad sinistram,  
medium excipiemus. Sentin ut sacra hæc ar-  
bor uirentib. folijs, ac crepitantibus leui susur-  
ro, atq; grato odore cælum perfundentibus,  
suadet colloqui, & hesternum sermonem au-  
spicari? Franc. Hoc negotium tibi datur,  
et iure quidem, cum ea re nos huc conuocau-  
eris, ut de ratione curandarum ægritudinum  
edissereres. Cass. Non detrecto, nec id à me  
reijcio, dabo tamen operam ne uos huc fortas-  
sis uenisse pœniteat. Bonfad. Agendum de  
Methodo curandorum omnium morborum,  
dic uirili præsentiq; animo. Cass. Quàm  
uehementer erras Bonfadi, si credis à me posse  
tradi curandorum omnium morborum metho-  
dum. Bonf. Quorum igitur? Cass. Nem-  
pe illorum qui curam recipiunt. non etenim est  
in medico semper ut releuetur æger: quin in-  
terdum plus malum docta arte ualet, & uin-  
cit. & quamuis medicus afferat cuncta medi-

L cami-

camina, uel sacras herbas, uulnera tamen cordis nunquam sanabit. quare morbi, qui nulla arte est medicabilis, nullam rationem medendi exponam. Bonfad. Quid quod ars neq; nosam podagram tollere, neq; formidatis a quis auxiliari potest? Cass. Modum edisces, si non depellendi, at certe leuandi & longa mora extenuandi huiusmodi ægritudines, posteaquam methodum consequutus fueris. Non enim debet medicus promittere id, quod ars nullo pacto præstare potest: sed corpora in morbo deplorata, ut ait Hippocrates, solis prognosticis relinquere, aut more priscorum ante ianuas collocanda iubere, ut extremum spiritum reddant terræ. Bonf. Si ergo desperatis & depositis uetat Hippocrates adhibere medicinam, saltem methodum referas medicandi illos morbos, qui sunt arte sanabiles. Stultus eram qui impossibilia captabam, & potius diuina quam humana expetebam, quauis opera nostra à Deo dependeant, si qua tamen ex humanis bona sunt. nam ut cecinit ille poeta, *Hæremus cuncti superis, temploq; tacente*

cente Nil agimus nisi spöte Dei. *Cass.* Recte loqueris: quæ supra nos, nihil ad nos. *Dij* esse non possumus, sed aliqua rerum cognitione & arte reddi persimiles: ad quos nulla res propius quàm medendi scientia promouere nos potest. Non desunt tamen aliqui, qui cò uesaniæ & arrogantia deuenerunt, ut se Deos faciant, atque omne genus morbi curaturos profiteantur, ne dicam à mortuis animas excitaturos: quod quidem genus hominum & magnopere odi, & è uiuis exturbari cupio, ut tandem aliquando desinant imperitiæ multitudini imponere, & sæpe fucum facere, atq; adeo puram et integram artem contaminare: quam profecto minime contaminaissent, si priscorum medicorum uestigijs insistere maluissent, quàm quorundum empiricorum syluam medicaminum consecrari. Iis nisi abuterentur, & passim sese uenditarent, æquior in ipsos essem iudex. *Bonfad.* Quid facias? quod emendari nequit, æquo animo feras necesse est. Nulla est ars, quæ uacet imposturis. *Cass.* Fateor: sed medicina omnium plenissima est. q̃

quidem nihil dubitarem expurgatum iri, si prætermiſſis tot tantisq; inutilibus cōtrouerſijs, & leuib. quæſtiunculis, atq; argutis elenchis, ad methodum, qui hodie ſunt bonæ ſpei adoleſcentes animum adiungerent, & toto pectore incumbere. Studio enim aluntur artes, excoluntur, & magna incrementa ſuſcipiunt: rurſum deſidia & negligentia iacent, contemnuntur, & funditus intereunt. Bonf. Bono ſis animo: inſperata magis accidunt ſæpe, q̃ quæ ſperes. Interea tamen ſatis erit orare Deum, qui cuncta donat et aufert, ut ſenes quidem reſpiſcant, & deſinant maledicere: iuvenes autem frugibus inuentis, ſpreta glaudē, ueſcantur. Caſſ. Multi uota ferunt, mi Bonfadi, ſed parum proficiunt. Bonf. Vnde hoc ſcis? Caſſ. Quia uideo omnes aſpernari methodum, & tanquam inſomnium fabulasq; aniles irridere. Bonfad. Irrideant, per me licet. Equidem, ut de me loquar, eam partem de qua heri ſermo habitus eſt, nequeo nō laudare, ſuſpicere, admirari. Caſſ. Alteram quæ reſtat, ni fallor, partem, plus atque plus

plus admirabere, ubi audiueris, & illam com-  
prehenderis. Franc. Attenti sumus ad au-  
diendum, quare iam dextro & secundo A-  
polline incipe. Cass. Cum methodus curan-  
di ab indicationibus sumat initium, quas Græ-  
ci *quidē* *scōpas* nominant, operæ precii facturus ui-  
deor, si in primis distinctione utar, ex qua per-  
spicua fiet natura atq; differentia indicatio-  
nis, & propositi, qui scopus ab alijs, ab alijs  
intētio uocatur. Indicatio itaq; est explicatio  
rei agendæ. Propositum autē est finis ipse quē  
medicus collimat, sibiq; asequendum propo-  
nit. Quare tot erunt fines, quot nacti erimus.  
Indicationes, ex quibus habent ortum. Fines  
nunc appello scopos priuatos ac distinctos,  
per quos ad communem scopum prouehimur,  
& illum distincteq; & planē agnoscimus. In-  
dicatio igitur cum à rei natura sumatur, quæ  
quid faciendum sit per signa ostendit, in mul-  
tas quidem partes diducitur, sed certus nume-  
rus earum præscribi nequit. Totidem enim  
curandi indicationes sese medico offerunt,  
quot res faciunt indicia. Porro sunt res maxi-



miū decem, quæ rationem curandi per indicia ostendere, & generatim monstrare possunt: Morbus, uires corporis, locus affectus, temperatura, ætas, regio, tempus anni, constitutio, natura, consuetudo, aer. At uires & morbus sunt ueluti duo ἀντιπαραστάς, quibus medici interest, ante omnia consulere, & secum id semper animo repetere, ac statuere, ut morbum depellat, uiresq; tueatur, & custodiat. Ex re enim ipsa apertissimum est, nullum sanius consilium pro salute animantis posse capi, quàm tueri uires, ne succumbant. hæ quidem de se ipsæ indicio sunt, ut seruētur & defendantur. Morbus uerò palam ostendit, ut remoueatur: reliquæ octo res non uere indicāt, sed potius permittunt, hoc est (ut uerbo græco utar) συνῆλκεν, quasi modū et quantitatem patefaciant & demonstrent. Cæterum qualis natura rei est, talem esse indicationem oportet. si illa simplex aut composita fuerit, hanc quoque simplicem & uniusmodi, aut compositam nasci omnino est necessarium. Ex diffinitione igitur sumendum est initium: quippe



quippe quæ aut formam, aut materiam bre-  
uiter explicet & patefaciat. Ne longius abie-  
ris: Morbum heri affectum esse præter na-  
turam, qui proxime naturales affectiones im-  
pedit, commonstravi: ut quid ipse esset, ubi co-  
gnouisses, me à notione finis auspicantem, atq;  
omnia diligenter diuidentem nunc intellige-  
res, simul & unde prodirent indicationes cõ-  
modius obseruare posses. Affectus autem  
naturæ repugnat & aduersatur propter in-  
temperiem, aut uitium compositionis, aut con-  
tinuæ partis dissolutionem. Hæc quidẽ, quid  
sit agendum, singula quæq; suapte natura in-  
dicant. Febris namque quoniam est mala tem-  
peratura, calida & sicca, ideo frigidis & hu-  
midis præsijs interstinguenda est, ac depel-  
lenda. Bonfad. Ergo indicatio curandi etiã  
sumitur à morbo. Cass. Minime, sed ab es-  
sentia & forma morbi, quæ tam est uocanda  
causa, quàm quæ maximè. Bonfad. Forma  
igitur rei distinguitur & seiungitur à re.  
Cass. Ita mihi uidetur, & boni philosophi  
mecum faciunt, tu quoque idem senties, si quod  
ego

e go formā & naturā rei appello, id rē ipsam appellabis. *V*taris tamen per me licet alijs nominibus, modò de re ipsa inter nos conveniat. Equidem in eam mentem impellor, ut existimem nullam indicationem curandi esse, quin à causa sumatur. Ea autem siue morbi forma sit, siue aliquid efficiens, hoc interest, quòd cū morbus causa efficiente caret, tum simplicis curationis indicatio nominatur. Attamē causa interior non abest, quam interdum formā, sæpe naturam siue essentiam nominare soleo. Quoties uero cunq; effectrix causa adest, cōposita indicatio consurgit, partim prospiciendi, partim curandi. utraque tamen, de causa interna oritur: altera quidem ab antecedēte; altera uerò, hoc est curandi indicatio, à proxima causa, quæ morbum facit & fouet, ortū habet. Morbus autem is ipse est, qui iam est effectus. Propterea, ut ad propositum reuertar, si febris nullam habeat causam efficientem, satis est deducere ab eius natura indicationem curandi, deinceps scopum proponere, & dictum ac factum petere. Sin autem aliunde

de pendeat, et succedatur, qualis est ea quæ de putredine orta est, præstat longius digressione progredi, et cunctas indicationes ex natura rei singillatim cõquirere & perscrutari. Sane putredo, quæ febrem proxime alit, ex se facit indicium principio ut depellatur. Depelli uerò ab ipso poterit, qui & causas eius primitus norit. Putredinis causæ tres esse in uniuersum existimantur, aut prohibita uentilatio, aut redundans humor, aut stipatio. Nisi enim natius calor uentiletur, in suum exitiũ crescit. Exuberans autem humor suffocat, caloremque penitus elidit. Quare singularum causarum ea est natura, ut nobis indicium dent, ut auferamus. Auferri sanè poterunt cõmodissimè, quando palàm ostendent unde nascantur & proficiantur. Perspiratio quidem præpeditur, aut ob meatus interclusos, aut propter materiam impactã. Clausi de se ipsi indicio sunt, ut aperiantur. Clauduntur autem, uel acri frigore, uel re quæ adstringendi facultatem habet: cuiusmodi esse alumen commemoratur. Compingitur nimirum materia, aut quia permulta est,

M aut

aut lenta, & apprime tenax. Per multam ex-  
baurire, tenacem incidere expedit, id quod  
natura rei, à qua ne latum (quod àiūt) culmum  
discedas uolo, apertissime indicat. Fac ama-  
bò aliquem ex nimio cibo in morbum incide-  
re. Nonne res ipsa quasi loquitur, et indicat  
planè, in ediam esse imperādā? Finge rursus  
multum humoris biliosi, & acris, in toto cor-  
pore redundare, & in tunicis uentriculi, &  
illius quidem imbecillis residere. Dij immor-  
tales, quàm multæ indicationes ex natura sin-  
gularum rerum tibi ultrò sese offerunt, atque  
adeò scopi derepente patefiunt. Copia humo-  
ris ostendit euacuandi indicia, uentriculi im-  
becillitas robur addendi, acrimonia obtun-  
dendi et temperandi. Ad morbū si accesserint  
symptomata, suam quoque curandi indicatio-  
nem dabūt, scopumq; agendi præscribent. Et  
uerò periclitemur altero exēplo, quod à pro-  
fluuiò alui commodissime sumi potest, id sanè  
est symptoma, quo uenter uel intestina  
afficiuntur, & urgentur. Urgeri nimirū pos-  
sunt, aut ex proprio, aut alieno affectu. Pro-  
prius

prius affectus, uel est mala temperatura, uel praua compositio (in præsentia appellatione compositionis uitiatæ contineri uolo indecentem conformationem, numerum, magnitudinem) uel continuæ partis solutio. Ex ijs cōmunes & generāles prodeunt curandi indicationes, & constituendorum medicaminum deliberationes. Quocirca altius naturā rei investigare oportet, atque diligentiori diuisione scrutari & persequi. Si enim hic consistas, nihil profectò ages. longius ergo est progrediendū diuidendo hūc in modū: Mala tēperatura uel calida est, uel frigida, uel sicca, uel humida, uel ex ijs cōiugatis cōposita. unde cuiusmodi erit qualitas, tales etiā de se, hoc est distinctas indicationes tibi significabit. Alienus uerò affectus, uel est in iocinore, uel capite, uel uniuerso corpore. Humores è capite se fundētes iugi ac perpetuo affluxu, uentriculi infirmant uires. Ideo animum attendere oportet, ad curandi indicationes, quæ quidem permultæ sunt. Alia enim à uentriculi temperatura nascitur, alia ab eius imbecillitate, alia à ca-

pitis affectu, alia à quantitate, quæ caput ob-  
sidet & infestat. Quicunq; ergo inter initia  
huius morbi statuet apud se caput purgare,  
materiã auertere, pariter & euacuare, par-  
tem affectam corroborare, deinde tonũ uen-  
triculo addere, ne facile sit locus emissis aliun-  
de excrementis, postremò malam temperatu-  
ram amouere, is mea quidem sententia non si-  
ne ratione curabit. De uitiatæ autem compo-  
sitionis indicationibus, nihil est cur in præ-  
sentia loquar: suo loco, Dijs bene uolentibus,  
dicetur. Eius tamẽ te admonitum uolo, quod  
semper est initio tibi obseruandum atq; consi-  
derandum, ut morbi naturam quàm accuratis-  
sime cognoscas. Continuæ itidem partis solu-  
tio, quã indicationẽ de se præbeat, notius est  
quàm ut à me referatur, nihilominus proprio  
loco commodis exemplis explicata manifesti-  
us liquebit. Bonfad. Intelligo. Summa totius  
rei hæc est, ut semper in curãdis morbis à na-  
tura rerum ducatur initium: ex quibus, quem-  
admodum tu dicebas, tot & tales nascuntur  
indicationes, quot & quales ipsæ sunt. Sed  
quid

quid consilij capiam, quòue me conuertā, quādo dissimiles & contrariæ mihi occurrent?

*Aliæ* enim suadebunt aliud, *aliæ* dissuadebunt. *Aliæ* eò me uocabunt, unde ab alijs reuocatus animus in uarias partes distrahetur, nullamq; curandi rationē inire poterit. Cass.

Atqui si contrariæ indicationes extiterint, diligentissime tecum expendes, quæ dignitate excellent, & magnitudine præstabunt. Et ne in re aperta & clara hallucineris, finge corpus Socratis sanguine multo destitui, atque graui morbo diuexari: id profectò nemo non iudicabit esse nutriendum & alendum, nō modo multum, sed etiam sæpe, ut sanguis qui defuit reparetur & reponatur. At crebrò & per parcè, si uires concedant, quæ multum cibi non patiūtur, sed tantulo refici possūt. Fac rursus sanguinem supra modum calere, aut frigere, aut alia qualitate affici, quis obsecro non intelligit, tunc alimentum, cum feruet sanguis, frigidum esse suppeditandum? uicissimq; cum friget, calidum? rursus cum crassescit & lente scit, attenuantibus & incidentibus cibis



esse opus? Pone etiam multum sanguinem, et illum quidem bonum ac integrum, uenis coerceri. Certum sanè est tibi indicari, ut & perparcè & rarò admodum enutrias. Ex ijs enim perspicuum est, magni quidem fieri indicationes sumptas à uiribus, & à morbi natura: sed multo pluris aestimari quæ ab illis, quàm quæ ab hoc ducuntur. Morbi namq; dignitatem sanitate metimur, uirium autem uita ipsa: quæ quidem nihil est neq; dignius, neque homini carius et antiquius. Magnitudo sanè & morbi & uirium, habet uim maximam: sed utra maior sit, essentia et intentio declarat. Essentiã rei appello, quæ ex se magna est: ueluti lipothymia est, quæ uires exoluit & labefactat. Intentionem intelligo talem, qualis esse dolor solet, qui plerunque adeò intenditur & crescit, ut in se omnem curationem conuertat, nõ propter suã essentiam, sed incrementum. Ut ut est, cum morbus & uires ex æquo curationem requirunt, tum malim ego uiribus periclitantibus succurrere, quàm occurrere morbo. Bonfad. Totam rem teneo. uerum quibus



bus apparatusibus, hoc est instrumentis indicationes exequi, & ad usum reuocare potero?

Cass. Ne sis admodum de his sollicitus: ex ipsis omnia suppetent, qui medicinam faciunt. tu quoque facillime inuenias licebit. Bonf. Itane?

Cass. Sic medius fidius, id unum modo superest, ut ad præcepta, quæ ex me audiisti, assidue te exerceas. inde enim non modicum & fructum, et delectationem percipies.

Bonf. Certo scio, sed morbi non succurrunt, quibus tanquam exemplis, id quod didici planum fiat, cuiusmodi sit: propterea nisi est tibi molestum, in unoquoque genere morbi abs te exerceri cupio. Exempli causa. ponatur aliquid, quod pateat latius & clarius, qualis est aliquis morbus consurgens in mala temperatura, in uitio compositionis, in dissolutione partis continuæ.

Cass. Quia hoc tibi magno opere placere intelligo, dabo sanè operam, ut quæ uideri possunt obscuriora, cum disputantur & dicuntur, appositione exemplorum illustrentur, & ea obiter repetendo, in singulis morbis, quæ uniuersè tradidi, altius memo-

ria

riæ inhereat. Ab ulcere igitur simplici, Galenum imitās, exordiar: illud unum præfatus, initium curadi, quod à morbo sumitur, esse ueluti carceres unde medici quadrigæ sese effundunt, & dari in cursum incipiunt, indeq; nasci communem duntaxat indicationem, uulgaribus hominibus etiam cognitam. Nemo enim est ita stupidus, ut nesciat lapidem in uescica esse tollendum, membrum luxatum suo loco restituendū: et ut in summa dicam, omnem morbum esse depellendū. Sed quod præscribit & indicat morbus, id ipsum quæ ratione fieri possit, aut non possit, ei uni perspectum est, qui causas probe norit, aut morbi naturam longo usu tenuerit. Præstat enim medico, & ratione & experientia niti, ut ex ijs feliciter præsidia inuenire possit, & morbum curare, atq; profligare. Indicatio igitur curandi à causis petitur, quanquam à morbo ortum habet: id quod in curatione ulceris fiet planissimū. Porro ulcus quod simplex est, indicat, ut postquā siccatum est, cicatrix inducatur. Compositū autem, ut primum id qui cum iungitur, deinde  
ip-

ipsummet curetur. Si enim altum sinum habuerit, duos scopos præmonstrabunt indicationes: alterum quidem adglutinandi, alterum uero opplēdi. Sed utrū id effici possit, quōue medicamenti genere efficiatur, & unde auspicari oporteat, non est imperitæ multitudinis iudicium ferre, sed pertinet ad uirum medicæ artis ualde gnarum, atque ulceris planè experientem. Experiens nimirū ille est, qui causas cognoscit. Sanè non quisq; de populo nouit ulcus, cuius non solum caro, uerum etiā os subditum interiit, neq; oppleri posse, neq; quæ æquari & complanari queat, ullam curam recipere: sed bonus et diligens medicus intelligit. Bonum appello, qui methodo curat, nō qui soli experientiæ confidit. Itaque ulcus concauū quicumque curabit, is à natura rei initium bellicissime sumet. natura enim sinus postulat ut oppleatur, & caro quæ periit reparetur, de nouoq; generetur. generandæ autem carni est materia optima, cuiusmodi est sanguis utilis & membri natura, hoc est bona qualitātū temperatio. Nā ut ex alimento duplex excre-

N      mentum

mentum conficitur, alterū quidem tenue, quod  
cacos meatus corporis perspirat : alterum  
uerò crassum, quod summa in cute in sordē mu-  
tatum extat : sic propemodū ex sanguine duæ  
partes inutiles exprimūtur, et in ulcus plerūq;  
decurrunt. Altera sanè pars, quæ est admo-  
dum tenuis, humefacit : altera autem, quæ  
crassa est, sordicie locum oblinet, & quasi li-  
mum obducit. Danda est ergo opera, ut me-  
dicamentis commodis occurramus. Ea esse cō-  
moda indicat natura rei, & quæ siccādi facul-  
tatē habent, & quæ sordem eluere possūt. idq;  
tamen non satis est, quoniam non modo genus  
medicamenti inuenire oportet, sed etiam spe-  
ciem, ut quale est cognoscatur. Propterea ex  
medicaminibus, quæ moderatē siccant, hoc  
est in primo siccandi ordine posita sunt, ulceri  
probè conueniūt. Hinc, ut uides, geminæ tibi  
sefe obtulerunt indicationes. altera quidem,  
tuendi ea quæ sunt secundum naturam : alte-  
ra uerò depellēdi, quæ sunt præter naturam.  
Illa nimirum rebus tuemur similibus, hæc dis-  
similibus & contrarijs remouemus. Ac uerò  
quæ

quæ exsiccant medicamina, tum pro ulceris humore, tum pro corporis temperatura deligere operæ est præciū. nam prout est natura ulceris, & corporis, plus minus denuò siccare, carnemq; inducere expedit. Quocirca uim medicamenti etiam atq; etiam callere medico necesse est. Sæpe enim fit, ut quia immoderate agit, uel quàm parcissime, ideo nihil prorsus iuuat. At plus ne quàm cōuenit, an minus, uim suā exerceat, cognoscitur ex natura ulceris, aut sordentis, madentisq; aut arentis & nimiram deterisionem patientis. Quapropter ad cicatricem perducendi ulcus rationem, ut est intelligere operosum, ita nulli alij scire id cōceditur, quàm medicæ artis uiro experienti. Perduci autem tunc iure potest, cum oppletū est carne, ex qua cutis in cicatricem coit. Et quanquam ex sanguine caro eadem specie in concauo ulcere regenerari potest, in pleno tamen cutis eadem, ex carne redire non potest, sed similis, & priorem præstans usum. Sed quia est callosa cutis siccior et densior carne, ideo medicamenti siccis & astringentibus

opus est, quæ obducere carni naturale tegumentum possint. quod quidem aliud non est, quàm inducta cicatrix. Verüenimvero, si caro, quod sæpissime euenit, excresceret, indicium de se dat, ut coerceatur & recidatur. Recidunt commodissime, quæcunque medicamenta naturæ luxuriantis actionem impediunt: qualia sunt, quæ ualide siccant. At uerò si intemperies oboriat, nihil dubito quin feliciter cures, modò ad duas res animũ attendere uolueris. principio ad naturam intemperiei, deinde ulceris: illi quidem occurreas qualitatibus contrarijs, huic uerò medicamentis mediocriter resiccantibus. Sed cura maior est gerenda intemperiei, quàm ulceris. nã intemperies, uel alius præter naturam affectus qui iungi solet cum ulcere, cuiusmodi est inflammatio, impedit, quo minus succrescat caro, & ulcus complanetur, adglutinetur, ad cicatricem perducatur. Quocirca ne aliquis malus affectus tibi occursans diu curationem remoretur, corporis temperamentum, cœliq; temperiem (quæ plerunque medico operi faciundo

undo interdicat, aut saltem modificanda esse  
medicamenta illum commonefacit) diligenter  
& attente inspicias. nam totius corporis tem-  
peratura, quia naturalis est, ideo similibus re-  
bus seruabitur. ulceris intemperies, quia est  
præter naturam, ideo dissimilibus curabi-  
tur. At sæpe fit, ut temperamentum corporis  
quidem sit humidum, partis uero affectus sic-  
cum: unde nascuntur indicationes contrariæ,  
quibus simul seruiendum est, quia eodem tem-  
pore sese offerunt. Plerumque uero tametsi sunt  
contrariæ, certum tamen curationis ordinem  
obtinent. Primum enim occurritur causæ, sine  
qua non potest quicquam recte curari, nisi pe-  
nitus tollatur: ueluti est sordicies, quæ impe-  
dit quo minus succrescat caro, & adglutine-  
tur in cauo ulcere. Deinceps cõsideratur pro-  
xima causa, quæ monstrat cur locus inanis  
possit impleri. Postremum in illud ipsum ani-  
mus defigitur, quod sanè præcipuum fuit in-  
consultatione de ulcere obducenda cicatrice.  
Interdum id duntaxat curatur, quod magis quàm  
cætera urget, et in maius uitæ periculū abdu-



cit. Musculi enim uulneratum caput, præstat  
transuersum præcidere, si nullis medicamen-  
tis potest cõuulsio arceri, quàm ulcus curare.  
Cæterum, quia ulceris simplicis differentiæ  
aliquæ, curationi sunt magnopere utiles, pro-  
pterea spectabis figuram, magnitudinem, &  
locum contempleris, tempus interea negli-  
ges. nam quæq; curandi indicatio nõ sumitur  
à quacunque differentiâ: quoniã ulcus recens,  
aut uetus nihil indicat. Reliquæ tamen diffe-  
rentiæ, quæ possunt separatim indicare, singu-  
las indicationes præstant. Iis sanè quæ sunt  
similes, promiscuè omnibus uti expedit: quæ  
autem sunt dissimiles, & contrariæ, sua ma-  
gnitudine ac dignitate, quid consilij capias,  
quemadmodum suprà exposui, demonstra-  
bunt. Non rarò etiam ulceris multi affectus  
præter naturam solent esse comites. siquidem  
solutio rei continuæ, est morbus, qui omnes a-  
nimalis partes infiscare potest. & quia par-  
tes sunt uariæ, ideo uaria quoque sortitur no-  
mina. Carnis enim diuissio, nominatur ulcus:  
ossis, *ῥωγὴ*: nerui, *ῥωγὴ*: ligamentorū,  
*ῥωγὴ*



ἐπὶ πᾶσι: musculorum & uenarum, ἔργα καὶ  
 θλάσμα. Sanè uerò his morbi generibus affe-  
 ctus diuersi coniunguntur, & plerunq; simpli-  
 ces, interdum compositi. propterea diuersam  
 curandi rationem postulant. Ante omnia ta-  
 men est prouidendum, ut illa amoueātur, quæ  
 impedire possunt modum adglutinandi ora ul-  
 ceris. Tria quidem esse possūt impedimento,  
 nimirum carnis intemperies calida, frigida,  
 humida, sicca: affluxus uitiati humoris, et præ-  
 cipue sanguinis, uel eius quantitas. quare ul-  
 ceris principio, qui cū iugiter sæpe tumorem,  
 hoc est duriuscula labra curabis, & integra  
 carne tenuis præscides. At si omnino non pos-  
 se tolli nisi temporis diuturnitate iudicaueris,  
 ægrum consulere oportet. Alius namq; quid-  
 uis perpeti mauult, quàm sectionem: alius im-  
 patiens longæ curationis, nihil non suffert æ-  
 quo animo, dum speret modo se in paucis die-  
 bus liberatum iri. Affluentem uerò succum,  
 qui uitiatus est, auertes & regeres, constri-  
 ctis illis quæ sunt ante ulcus particulis. A-  
 stringendi porro facultatē habent medicamē-  
 ta,

ta, quæ refrigerandi siccandiq; uim obtinent.  
 Ac uerò, quia sæpenumero sisti compesciq;  
 nequit, iccirco causa primum inuestiganda est,  
 deinde funditus tollenda. Causa esse poterit  
 aut partis imbecillitas, propter ualentio rem  
 qualitatum intemperiem: aut totius corporis,  
 uel aliquarum partiū, quæ proximæ sunt affe-  
 ctæ parti, πλινδώρα, uel λυακοχυμία. Si ex ualida  
 intēperie pars minus solito ualet, contrarijs  
 morbum oppugnabis præsidijs: sin alicuius  
 partis occasione, uel ex sanguine, malis uesuc-  
 cis qui in corpore exuberant, id accidat, ijs  
 ante omnia ueluti principibus causis est oc-  
 currendum, quo expeditior, & à nullo impe-  
 dimento interpellatus, ad ulceris curationem  
 aggrediaris. Causas autem intelligi uolo in-  
 ternas. nam externæ curandi rationem nō in-  
 dicant, sed affectum monstrant, hoc est medi-  
 caminum pondus, modumq; quibus depellitur  
 affectus circumscribunt. Ex ijs quæ uctant  
 ne ulcus sanescat, uariæ sunt causæ: qualis est  
 tumor præter naturam, aut citra tumorem lo-  
 ci exulcerati intemperies, aut lien turgidus,  
 aut

aut in iocinore aliquod uitium consurgens,  
aut uitiosus in toto corpore succus, aut πλὴν  
θώρα. sæpe enim sanguinis copia impedit cura-  
tionis cursum, interdum uero reliquus humor  
itidem remoratur. Propterea cum morbi ma-  
gnitudo urget, & uires patiuntur, atq; ætas  
consensit, tunc uel sanguinem duces, uel phar-  
macum exhibebis: quod quidem est utile, aut  
ad materiam quæ molestæ est expurgandam,  
aut auertendam, aut euacuandam. Porro ma-  
gnitudinem morbi æstimabis, tum ad partis  
affectæ præstantem excellentiam, tum ad na-  
turâ illius, tum ad λεκάνθησαν, id est morbi con-  
tumaciam. Nec solū à magnitudine indicatio-  
nes curandi petas licet, uerum etiam à loci po-  
situ, substantia, temperatura, conformatio-  
ne, sensus acumine, & actionum usu atq; ex-  
cellentia. Ulceri nāq; ipsius uentriculi, phar-  
maca quæ ore possunt exhauriri, aptissima es-  
se, locus indicat. Ex intestinis, crassorum qui-  
dem affectibus enemata sunt commodiora:  
gracilium uerò, tam pharmaca, quàm enema-  
ta promiscuè ad mouere poteris. Magnope-

rectam est tibi enitendum, ut internis partibus probe consulas, & ea alimenta & medicamenta seligas, quæ naturæ animalis & temperamento esse familiaria iudicaueris. Nō enim ut extimis partibus, ita quoque intimis, idem curandi modus & ratio quadrat. Interea nec parvipendes conformationem, ex qua euacuandi modū cognoscere poteris. At sensus hebetudinem accuratè contemplaberis, quādo quidem partes ulceratæ, quæ facile sentiunt, medicamenta mitia, nullūq; dolorem afferentia requirant: quarum autem sensus hebeſcit, illis acria & ualentia medicamina conueniunt. Vsum quoque tenere plurimū refert, an sit actio usui omnibus partibus corporis, an paucis, an uni. si uni, intemperie, quæ ex affluxu humoris enata est, curabis, eatenus exinaniendo, quatenus affectæ partis natura postulat: sin omnibus, maiorem in modum cauebis, ne vires immoderata euacuatione concidant & euertantur. Bonf. Mirum quantū me promoues in his medicinæ studijs. Perge igitur obsecro, rem obscuram, quemadmodū  
ba

hactenus, exemplis illustrare. *Cass.* Mihi nō succurrunt, nisi sumam ex Galeno. *Bonfad.* Quid tum deinde? omnia quaecunq; potes, huc summatim transfer. malo ex fontibus haurias, quā riuulos consecretis. *Cass.* Turpe est, ex aliorum racemis sibi facere uindemiam. *Bonfad.* Imō turpissimum, si aliena tibi uindicares, et domi prædicares nasci. Perge igitur: Galeni manes non lædes, nec in odium bonorum uirorum incurres, sed magis atque magis eos conciliabis tibi, qui methodum ab hinc tot annis iacentem, aliquantulum excitas. Quin si ego arbitrarer, hæc exempla ab alijs scriptoribus te mutuari, quā ab auctore omnium bonarum rerum Galeno, medicinam pertæsus, fugam meditarer in castra Oratorum, ac Poetarum. *Cass.* Ne ergo a nobis deficias, hac in re tibi gratificabor, & a Galeno ne latum quidem (quod aiunt) unguem discedam. *Bonf.* Sic facito: quoniam & si aliquid noui non afferre uideberis, et de tuo pauca promere, at certe ijs ipsis aditum ad methodum medendi patefacies, qui medici-

*næ sacris initiātur. Nec deterreri aliorū scriptis debes, qui potius ad id faciendum te possunt impellere, quā depellere atq; auertere.*

*Cass. Age uerò, quia ita uis, morem geram: & nihil dicam, quod dogmatibus Galeni sit alienū. quinetiam exempla & præcepta, quæ ab eodem desumpsi, in tuā gratiam huc aliqua transferam: non tamen profiteor me dicturum aliquod nouum & inauditum, quin prius sit dictum atq; auditum. Sed eo consilio te ipsum instituo & erudio, ut etiam tui similes relictis somnijs quorundam senum, quibus est difficilimum mutare linguam, adiungant animum ad methodum. Placet ne igitur ut loquar de ratione sistendi profluiū sanguinis, qualecunq; id fuerit? Bonf. Perplacet. Cass. Sanguinis itaq; excretio fit, aut propter ἀσάμωτον, aut διαπίδνωτον. Nam uenarū ora aperiūtur, aut ex imbecillitate facultatis retentricis, & ualido motu expultricis: aut ex copia sanguinis latè dimanantis: aut fit eruptio, quia alicuius humoris acrimonia uenam erosit & adedit: aut quia ipsa uulnerata est, uel contusa.*

*Vulnus*

Vulnus autem inferre possunt tela acuta, & alia id genus ad secandum habilia & accommodata: contundunt grauiā & dura corpora. At uerò dissiliunt uenæ, quia plus iusto tenduntur, aut quia magno casu corpus ruit, uel onus subit, quā ferre potest, grauius: uel magna uociferatione utitur, uel cursu, uel saltu contendit, uel immoderato alio motu agitur. Cognitis ergo causis, ex quibus sanguis profluit, non antè ulcus curabis, quā apud te constituas, an aliquid obsistat, quod initio sit amouendum. Si causa profluij præsens est, eam tolli curabis: sin autem abest, sanguinem compesces, moxq; ulceri medeberis. Cōpescatur sanè, labris uulneris inter se coeuntibus, aut consutis, aut interuentu medicaminum refrigerantium atq; compingentium. Venas tamen & arterias, quoniam suere non poteris, ideo ligare, aut præcidere necessum est. sed uenarum ora, quæ hiant, opprimere commodum est, sanguinis grumo: aut medicaminib. illis quæ lenta crassaq; sunt, & crustam obducunt. Sanguinis excretionem immoderatam,



mensumq; profluuium, sistit reuulsio, atq; omnes fluxus compescit: itidem deriuatio. Sed quotiescunque sistere sanguinem uolueris, & situm loci diligentissime spectabis, & à leuioribus minusq; efficacibus præsijs incipies.

At tamen sanguinis eruptionem ex putri erosionem, omni abdicata mora, præstat ferro candenti cohibere, quàm medicamento, quod crustam inducendi facultate præditum est: quale illud, cui uis astringendi inest. Ac ne longū faciam, duos scopos tibi propones, nimirū quantitatem & effectū. Venis enim magnis, quæ adesæ sunt, et ualde dehiscūt, acerbis opus est medicamentibus: exiguis autem, et illis quidem ades, sed parum hiantibus, atque parcè sanguinem fundentibus, quæ cūq; mediocriter adstringūt, bellissime cōueniūt. Nec semper expedit extrinsecus admotis rebus frigidis, sanguinis profusionem regerere, et intro repellere. sed interdum sectione uenæ, frictionibus, uinculis, curcubitulis, auertere profuit. *diawā*  
*Anay* porro ijsdem medicamentis, hoc est frigidis, remouebis, ac feliciter curabis, nisi sanguis



gulis propterea exire deprehendatur, quòd  
admodum esset tenuis, cui uictu crassiusculo  
percommode obsistes. Bonfad. Perge exem  
plis, ut coepisti, methodū quam tradidisti illu  
strare. tota enim mihi animo recursat? Cass.  
De uulnere ossis atque nerui dicam. Bonf.  
Maxime id cupio. Cass. Sanè inter initia  
corpus accuratissime spectabis, an plenū sit,  
an uitiatiss succis abundet, rursus utrum pars  
affecta dolorem facile percipiat. Sanè ner  
uus statim atque punctus est, excellenter sen  
tit. Ideoq; dolore & inflammatione corripit  
tur. Exinanito igitur corpore, ut excremen  
ta procul à loco affecto arceantur, atque do  
lor subleuetur, ea pharmaca deliges, quorū fa  
cultas calefaciendi est modica, atq; etiā siccā  
di sine ulla molestia. Figura quoq; uulnerati  
nerui, ad curationem multū confert, utrum la  
ta, an longa, an alta, an obliqua. Mutat enim  
curandi rationem, & medicaminum genus  
ac modum indicat. Aliter neruū cæsim saucia  
tum, aliter punctim ictum curabis. De tempe  
ratura eius, & usu, nihil loquor: quoniā quan  
tam

tam uim habeant, tu ipse conijcere potēs, ex illis quæ multo antè sum præfatus. Porro ossis *λεῖμα*, quoniam est partis continuæ diuisionis, ideo primus curandi scopus erit ipsa *ἐκτομή*. Id uerò si propter nimiam siccitatem effici nequeat, alterum scopum res tibi indicabit, nimirum *λύσις*: à quo quidem aberrans, & frustratus in curando, operā ludes. Molle igitur os, quale in pueris esse oportet, quod curam recipit, & ex se coalescit: coalescit autem et adglutinatur excremento alimenti, quo nutritur os: excrementum appello, quod quantitatis & qualitatis modum seruat, et in tempore ad partes diuisas accedit. Figuram itidem *λεῖμα* & æquè perspicere, ac ulceris, operæ est precium. Crebrò enim ad illā curandi rationē formabis & institues. Bonifad. Haecenus mihi cumulatissime satisfecisti. Sed heus tu, nihil de morbis qui ex mala tēperatura consurgunt in similibus partibus? Cass. Peropportune: ego id ipsum quoq; cogitabam. Itaq; cum morbus, quemadmodum tinnitò dixi, sit affectus præter naturam proximi

mē

me impediens naturales actiones, cumq; actiones plerunque uitientur ex mala temperatūra, similium duntaxat partium: enitendum est ut contrarijs medicaminibus prauam temperaturam oppugnes, bonamq; efficias. Hic sane scopus mutandi temperamentū cōmunis est cum omnibus morbis, qui similibus partibus sunt infesti, quocirca intemperies uestigabis. Octo enim genera sunt, ex quibus totidem curandi nascuntur modi, indeq; uictus instituen-  
 di ratio mutatur, & medicamentorum delectus & usus uariatur, quorum sylvam pro morbis ex intemperie profligandis suppeditabunt libri Galeni de Simplicium compositorum uel pharmacorū facultatibus. Signa autem unde intemperiei naturā cognoscere tibi liceat, petes ex primo de Temperamentis libro, tum etiam ex Cōmentarijs de Locis affectis, tum ex eo libello qui inscribitur ἡχμῶν ἰατρικῇ. Bon-  
 fad. Quid ἡχμῶν? passim audio à publicis professoribus hanc inscriptionem pronunciari uel ἡχμῶν. Cass. Quam recte, ipsi uiderint. Ego quidem illam arbitror esse ueram &  
 P ger-

germanam libri inscriptionem; quam modo protuli. Cot. Tu ne solus aduersans uiris tam præclari nominis, uis sapere? Cass. Minime gentium: sed odi quosdam homines, qui quidem ipsis rebus luce meridiana clarioribus tenebras offundunt, nedum peruertunt nomina, et sua barbarie contaminant. Hoc mi Bōfadi nihil est, ad alta quæ solent inuertere, non sine magna quidem iactura artis medicæ. Vt cunq; , quoniam errata medicorum recensere non decreui, ad rem institutam redeo. Sanè intemperies sine affluxu humoris calida, & frigida, curam recipit facilius, quàm humida & sicca: quanquam sicca simul & frigida, ex simplicibus omnium deterrima est, & intemperies sicca. Quæ autem ex materiæ affluxu, sinum stomachi occupat, aut in eius tunicis coit, & imbuitur, haud eodem modo curatur. Nam materia ipsa, quæ in stomacho resedit, statim inanitione expurgari debet: quæ autē altè inhæsit, atq; imbuta est, non ante exhaurienda est, quàm totum corpus, quod est plethoricum, diligenter inanieris: aut quod est cacochy-

cochymum, medicamento purgaueris. His enim rite peractis, tuto ad materiam, quæ malam temperaturam stomachi alit hauriendam, porroq; pellendam, aggredi poteris. Deinde stomachum idoneis præsidij munies, & corroborabis. Idonea sunt ea quæ ad bonum habitum ac tonum conducunt: qualia sunt medicamenta omnia, quæ facultatem astringendi obtinent, idq; & ne materiam aliunde sese effundentē ipse labefactus concipiat. Ad extremū causis, ob quas corporis partes à se recrementa in stomachum amandat, sedulo occurre. Illas nimirum cognosces, tum ex uita antea acta, tum ex consuetudine: cuius mutatio, proh dii immortales, quantas vires habet? longa experientia edocuit. Persape enim compertum est, quibus præter solitum, profluvium sanguinis, aut alui, aut aliarum excretionum, certis anni temporibus supprimebatur, aut corporis exercitatio intermittebatur, multos incidisse in stomachi malam temperaturam. nam excrementa, quæ solebant statis periodis à natura corpore agi, in aliquam partem

diuertere, indeq; in stomachum decurrere, est  
 uerissimillimum. Itaq; ut propius ad naturam  
 rei inter initia propositæ accedam, Febrem  
 nimirum, quæ in uniuersum dicitur esse mala  
 temperatura, hoc est calor immoderatus, qui  
 in totum corpus longè lateq; diffusus animal  
 mœrore conficit, atq; actiones naturales impe  
 dit, illicò interstingui non curabis, sed tecum  
 animo obuersabis, atq; diligenti ratione inue  
 stigabis, utrum efficientes causas habeat, an  
 nullas prorsus. Porro si abesse pro comperito  
 habebis, natura rei, quam formam & essen  
 tiam, hoc est intimam rei causam per me ap  
 pelles licet, quid tibi faciendum sit, planissime  
 indicat. Sin autem adesse existimabis, mini  
 me ociari illas, tibi persuadeas uelim, quin mo  
 liantur, & semper aliquid efficiant, aut calo  
 rem natium maiorem in modum exacuant,  
 aut putredinem inuchāt. Proinde, obseruato  
 opus est mi Bonfadi, an σῆνσις, id est stipa  
 tio, ueluti ἐμφραξις, μύσις τῶν πόρων, & σώματος  
 πύλινσις molesta sit. Interclusis namq; uis cor  
 poris, uel cutis meatibus, halitus acres & fu  
 ligine

ligine oblitæ, nequeunt perspirare: ex quo fit, ut natiuus calor supramodum ferueat, febrẽq; diariam accendat. aut ubi humores ad putredinem corripuerit februm genus longẽ extialius, quibus sunt obnoxia calidæ & humidæ temperaturæ corpora, aliud excitet. Per commode igitur ad ea præsidia confugies, si diaria urgeat, quæ obstructione liberare possunt. cuiusmodi sunt dulcis aquæ balnea, leuis frictio, moderata corporis exercitatio, cibi illi qui sunt optimi succi. At quando perspiratio impeditur, putredoq; crescit, quia quæcunq; obstruunt tenacia sunt, aut crassa, aut plus iusto copiosa, aut ualide siccantia, ideo natura cuiuscunq; causæ, quid sit opus factu, dabit indicium. Aut enim sanguinem mittere de uena suadebit, aut alia uia aggredendam esse curationem ostendet. Sanguis quidẽ ducitur, uel quia sua tẽperacione, hoc est qualitate destituitur: inutilisq; factus, non ita mēbra alit, ut antea solebat alere. uel quia usque adeo increuit, ut uires aggrauct & opprimat, aut arterias & uenas obstruat. Succos

uero alios qui sunt uitiati, hoc est uel crudi,  
 uel supra modum tenues, uel crassi, uel lenti, te-  
 naces ue, nō ē uigilare emēdabis. Nō tamen pri-  
 us uenam incidēs, quā spectabis anteceden-  
 tia, & consequentia. Antecedente enim cru-  
 ditate sanguinem mittere, non est opportunū,  
 nisi cibis probē confectus sit & concoctus.  
 neque item hoc remedium utile est, si uerea-  
 ris aliquam fore naturalem excretionem: qua-  
 lis est alui subductio, sanguinis eruptio, mēsiū  
 profluuium. Perpendes itidem quā diligen-  
 tissime naturam morbi, corporis uires, tempe-  
 riem cœli, ætatem, cōsuetudinem. Sæpe enim  
 offendas licet corpora quædam sic delicata,  
 sic mollia, et motum uel leuissimum sentientia,  
 ut statim soluantur et langueant. Magni etiā  
 æstus sectionem uenæ inhibere possunt, ætas  
 quoq; senilis ac puerilis interdicere potest.  
 Cum uero sanguinem iure ducere poteris, fac  
 perpetuò modum teneas, quem quidem tibi  
 præscribere poteris ex indicationibus, quæ  
 necessitatem & magnitudinem rerum agen-  
 darum, quæq; commodum incommodumq; in-  
 signiter



signiter futurum commonstrant. sed præ cæteris illæ commonstrare mihi uidentur, quæ à uiribus sumuntur, hoc est à tribus facultatibus, quas Plato animas uocat. Iis etenim corpus & humana uita sustentatur: quarum quidem quando una concidit, reliquas etiam concidere necesse est. Propterea quicumq; & tuendæ ualitudinis & morbi depellendi methodum tradit, eo sanè consilio mihi uidetur tradere, ut hominè quoad fieri possit, in uita retineat. quanquam bonam ualitudinem semper uitæ salus, morbi autem depulsionem, plerunque consequitur. Cæterum uictus formam institues, sanè per commodam, omnibus febribus, ad indicationes petitas, & à natura morbi et uiribus, & corporis temperatura: & hac quidem tum naturali, tum ascititia, et à cœli statu, & ætate, & consuetudine. Bonf. Cur singularium febrium exempla nominatim non instituis? Cass. Nempe quod habeo in animo accurata ratione, & de illis, atq; alijs morborum generibus conscribere. Bonf. Accēpi non deesse etiam, qui hoc præstiterunt.

Cass.

*Cass.* Scio equidem, sed eam methodum ser-  
 uari ab illis non cognosco, quam sæpiissime de-  
 sideraui. Eare tamen multum ipsis debemus,  
 quod medicinæ studia promouere conantur,  
 & literis latinis illustrare summa ope nitun-  
 tur, ne semper res nobis sit cum Arabibus, &  
 infantibus medicis. *Bonsad.* Rectè quidem  
 faciunt, & bene præclareq; merentur de stu-  
 diosis medicinæ. At tu perfice quod hodie  
 incobasti. postea si tibi uidebitur, loco & tem-  
 pore, quod est in animo, proferes, & amicis  
 pro tua humanitate mirifica id imperties. nã  
 te decet labores tolerare, dum uires anniq; st-  
 nunt: & eo magis, quo facilius Musarum fo-  
 res esset tibi apertas sentis, & iam aditum pa-  
 tere in sacra Apollinis & Aesculapij. V-  
 tere igitur hac fortuna, dum ætas primi tem-  
 poris tibi floret, quæ tacito (quemadmodum  
 cecinit Poeta) pede labitur. Cernis rosas spi-  
 na armari, mella in abditis locis & inuijs ab-  
 apibus recondi. Proinde ut non quisquã frui-  
 tur uertis odoribus hybleis, latebras nec spo-  
 liat fauis, si fronti caueat, si timeat rubos: sic  
 me-

mediuſſidius nec alijs prodeſſe, nec poſt te aliquid egregium relinquere poteris, quouiſſe poſteritati teſteris, ſi in hac tua florenti iuuenta laboris impatiens, nihil tentes, ſed ocio & inertiae ſuccumbas. Caſſ. Norunt illi duo nobiliſſimi, & optimae ſpei adoleſcentes *Venet*, *Laurentius Maurocenus*, et *Sebaſtianus Ericius*, quàm ſim laboris amans, & ocij fugitans: quin nullum à labore meredclinat ocium, & urget diem nox, & dies noctem, neq; eſt leuare tenta ſpiritu præcordia: tantum abeſt ut patiar hanc meam aetatem ſocordia diſtabeſcere. Quid quæris? uix dum hinc à me diſcedes, cum in bibliothecam me abdā, *Commentarios* cuiuſdam mei familiaris in libros *Ariſtotelis* de *Ortu* & *interritu rerum naturaliū* perlecturus, quos quidem & doctè, et ornate, latineq; conſcripſit. *Bonfad.* Illum optime noui, & magna familiaritas mihi quoq; cū eo intercedit. Tu uerò interea uide, ne ipſo quod reſtat, me defraudes. Caſſ. Pauca admodum ſuperſunt, in quibus uolo te exerceri, nempe reſtant ſymptomata,

Q

mata, et tumores præter naturam. Sed initio de symptomatibus dicturus, differentias eorum strictim perstringam, quarum singulatim exempla afferam, à quibus cætera symptomata curandi rationem discas licebit. Symptomatum ergo differentia sunt tres. Alia appellantur actionum impedimenta, seu noxæ: alia dicuntur immoderata excretiones, aut suppressiones: alia autem potius signa affectuum, qui sunt præter naturam, nuncupantur. Affectus enim tolle, signa quoque sustuleris. at symptomata, quæ dira sunt, & ualde sæuiunt, omnem medici curationem, neglecto morbo, ad se conuertunt: aut quia eam uim habent, quam morbi causam habere est uerisimillimum, propterea quod eò periculi ægrum adducunt, ut ne uirib. destituatur, iure timeri possit. Proinde symptomata, quæ sunt symptomata, nullam curandi indicationem de se præbent, nisi causæ rationem præstent. Aut quoniam ægro gratificari, atq; eius molliciei obsequi studemus. Sæpiissime tamen fit, ut et uiribus quæ fatiscunt & concidunt subuenire, & symptomatis

matīs acerbītatē mitigare eodē tempore  
sit neceſſarium, interdum alterutri duntaxat  
ſuccurrere oporteat. At ſi occurratur ſym-  
ptomati, ex eo ſanē occurrī arbitreris uelim,  
quod uires tueri & tuare cupimus, alioquē  
nunquā. Verū enim uero, ut eſt boni medici  
cum ratione & tutō morbum curare & depel-  
lere, ita profeſſō eſt mali & adulatoris cæci  
& uilis, in omnibus ægro indulgere. hic enim  
uoluptatē, ille ſanitatem ſibi pro fine conſti-  
tuit: hic gnatonicā & paraſiticā artem  
ducit in bonis, ille medendi ſcientiam: hic uer-  
ba dat, ne dicam uenenum propinat, ille phar-  
macum ſalutare & remedium præſentaneum  
affert, & ſæuis morbi cruciatibus ægrum li-  
berat. Commodiſſime igitur auſpicabimur  
ab alui profluuiō, quod in acutis febribus ſæ-  
penumero contingit. Id enim aut ex acrib. hu-  
moribus excitatur, qui facultatē expultri-  
cem proritant ea acrimonia, quæ ſanē parua  
non eſt: aut ex pituita, quæ continendi ſacul-  
tatē labefactare, ſtomachumq; & inteſti-  
na impenſe relaxare ſolet: aut ex uentriculī

imbecillitate, cuius fibræ quando ob nimium humorem remittuntur, ac supra modum laxantur, uis expellendi retinendūue debilitatur. His itaq; hunc in modum positis atq; constitutis, manifestò tibi sese offert curandi methodus. natura enim rei planissimè indicat, medicamenta ea ipsa esse admouēda, quæ humoris acrimoniam obtūdere possint. Cōsultè igitur emplastica adhibebis, qualis est chōdrus, ptisanæ cremor, tragacātha, et id genus prope modum innumerabilia medicamina, quorū quiddē sylua amplissima est. At uero ut pituitosos humores rebus quæ habent siccandi uim, curare expedit, sic laxamentum stomachi ijs quæ astringunt, medicari conuenit. Et sanè quem admodum uentris fluxus rectè curatur, cuius cognita est proxima causa: ita meo quidem iudicio sitis restigundæ modum, si naturam rei uestigabis, principio inuenies. Sitis igitur ex sententia Aristotelis atq; Galeni, est appetitus frigidi simul & humidi, aut alterutrus modò. potest enim utrumque deficere, aut alterum duntaxat, ex quo molestus appetitus cum

cum febre iungitur. Quid obsecro uetat quin uentriculum solus humor deficiat? uicissimque solius frigoris defectus pariter & caloris excessus infestet? & aliquando humoris itidemque frigoris inopia cruciet? Et id fieri existimat Galenus aut propter malam stomachi temperaturam, aut ob materiam putrem, quæ affecto loco alte insidet, summosque affert cruciatus. Locus autem princeps est uentriculus, sed præcipuus et genuinus esse illius os iudicatur à uiris doctis. nam sitis atque fames sunt quidam appetitus cum sensu, sed appetitus sensui coniunctus nusquam aliàs depræhenditur esse quam in uentriculo. Iure ergo illa sedes appositè siti ac fami adiudicatur. Ex consensu etiamnum huiusmodi appetitum inuehunt partes uicinæ, & uentriculo quam proximæ: cuiusmodi sunt, gula, pulmo, ieiunum intestinum, & quæcumque haud longè absunt. Quamobrem sitim restinguere quando uolueris, ne collabantur uires, neque uentriculus tabescat, neque febris magis atque magis increascit, tunc pronatura rei remedia commodissima ultrò tibi



occurrent, et abunde suppetent, nisi institutus  
et rectus curandi interpelletur cursus. Vnde  
autem hæc interpellatio euenire possit, in-  
dicationes, quæ sumuntur tum à temperatura,  
tum à positura consentientis partis, significa-  
bunt. Cerebrū (exēpli causa) imbecillū, et di-  
stillationib. obnoxiiū, uel suapte natura frigi-  
dum, medicamina refrigerantia et humefaci-  
entia non sanè patitur: quanq̃ sunt siti restin-  
guenda. Si nihil igitur int̃turbat, quid o-  
pus sit factō, cōsultore (ut dixi) nō eges. Quid  
si altus somnus, hoc est sopor, hominem ex acu-  
ta febre laborantem opprimat? Nempe mi  
Bonfadi, admonendus es iterum atq; iterum,  
ut tibi magnopere curæ sit, ne ad lethargum  
ipsum corripiat, aut alium morbum, aut aliud  
perinsigne incommodum afferat, quo minus  
æger possit cibū capere. Quare cōmonitū te  
uolo etiā, ut putes atq; pro certo habeas, nihil  
esse utilius, nihil homine docto, et artis medē-  
cæ cōsulto dignius, nullā expeditiorē uia et cō-  
modiorem ad curandū à Galeno excogitarē  
atq; inueniri potuisse, quàm semper à rerū na-  
tura



tura sumere exordium. Somni igitur naturam  
(ut ad rem redeamus) perscrutaberis hunc  
sanè in modum. Somnus duplex est, alter natu-  
ralis, præter naturam alter. naturalis quidē  
est, sensorij primi refrigeratio. at refrigeran-  
di modus est is, quem nobis scitè & eleganter  
tum descripsit Galemus, cū dixit, Somno ob-  
repente calorem natium ad alimentum quod  
intus conficitur, ab ambitu corporis reuoca-  
ri. Vbi enim ille occurSAT alimento primum  
refrigeratur & obtunditur, deinde vires ac-  
quirit, & plus atq; plus inualefcit. Postre-  
mum quasi rore perfusus humectatur, & illud  
ipsum probè conficit & cōcoquit, ex quo na-  
pores balant, rectaq; caput impetunt. Vbi po-  
stea quàm refrigerati sunt, suo pte pondere le-  
uiter & paulatim descendūt, & somnū inire  
suadent. Materia ergo unde conciliatur som-  
nus, est humiditas cū frigiditate iūcta. Sed al-  
tera est causa potior, quàm altera. nam fri-  
gus sensum magis obtundit, quàm somnum in-  
ducit. Locus porro somni est adhuc incer-  
tus, nec facile tecum statuere potes, utrum  
Ari

*Aristoteli assentiendum sit, an Galeno. quorum alter tanti facit cor, quanti alter aestimat cerebrum. Galenus quidem somni principem sedem in cerebro posuit. eo namq; refrigerato sensum communem uinciri et consopori, indeq; somnum derepente oriri existimat, etiam si uapores necdum descenderint, nec in cordis arcem inuasierint. Aristoteles uerò nititur probare nobis ac persuadere, ex eo somnum in corde sedem & domicilium habere, quòd non ante repit placidissima quies, quam uapores, qui in cerebro crassiusculi ac frigiduli euaserunt, in sinum cordis lentè descendāt. Id quod Poeta noster omnium bonarum disciplinarū peritissimus, non ignorasse mihi uidetur: qui in libro quinto *Aeneidos*, deum Phorbanti similem inducit, quassantem super utraq; *Palinuri* tempora ramum madentem rore *Lethæo*, soporatūq; *Stygia* ui, ut illi cunctāti tantia lumina solueret. De somno præter naturā nihil dicam in præsentia. qui enim utrūuis norit, ambos nouerit. Id tantum addā, somnum præter naturā esse quendam sensus obtusum*

sum stuporem, hoc est congelationem, & *κατα-  
ταλψις*, non quidem ob uapores, qui ex alimen-  
to excitantur, sed propter intemperiem, & il-  
lam sanè uel solam, uel cum materia iunctam,  
quæ in cerebro residet, aut in alijs corporis  
partibus, in quibus crudi humores (ut sic di-  
xerim) resagnant, indeq; iugiter halantes ex  
febris & stu cerebrũ petũt, mirisq; modis sunt  
molesti. At uerò quæadmodũ somnus, si modũ  
exceſſerit, nec Galeno, nec multo antè ipsum  
Hippocrati probatur, sic etiam excellens ui-  
gilia damnatur, imò censetur esse longe dete-  
rior. Ad uigilias autem immoderatas adigit  
calor factus feruidior, & plus iusto siccus, ac  
penè aridus, qui è partib. corporis interiori-  
bus, ad exteriores, & totum ambitum effun-  
ditur. hinc fit perspicuum, huius symptomatis  
causam esse siccitatem, quemadmodum somni  
esse humorem nuper dicebam. Si qua tamen  
res calida reperitur, quæ somnum conciliet,  
ideo illam conciliare tibi persuadeas, quia est  
humida. quin calida & sicca uigiliarum pa-  
rens est. Vsu enim compertum habeo, uel ex  
R sola

sola cerebri intemperie calida et sicca, uel ex uaporib. pariter siccis & calidis, qui in alia parte corporis resident, capiti consentiente, uigilias magnopere infestas esse. Tunc itaq; symptomatis utriusque causas, ad quas quia ipse per te potes aestimare genus praesidiorum, propterea supersedebo: quoniam quae conueniunt, nominatim recensere est superuacaneum: tum quia longum sermonem instituere mihi necessarium esset, tum quia de re aperta te commone non oportet. Huc etiam pertinet, quod alijs negocijs mihi districto, non est integrum longo tempore tecum colloqui. Quare mihi Bonifadi, illud quod superest, si placet, quam breuissime fieri poterit absoluam. Bonf. De tumorib. praeter naturam dicendum restat: praeterea quod ego meminerim, nihil. Cass. De ijs ipsis sane postremo loco me dicturum tibi pollicebam, uel potius recipiebam. Agedum ergo, ne longius oratione prouehar, a definitione inflammationis initium nunc ducamus. nam reliquorum tumorum natura deinceps liquebit, & facilius intelligetur. Bonfad. Recte sane.

ne. iā quid sis dicturus aucto audire. Cass. In-  
flāmatio quidem est tumor præter naturam,  
quo pars corporis, ueluti caro, quæ affecta  
est, aestuat, tēditur, rubet, dolet, micat ex afflu-  
xu sanguinis supra modum calentis. propte-  
rea curandi scopus, quando tibi indicatur, ip-  
sum iam defluxisse, atq; in partem affectam  
incubuisse, tunc peropportune defigitur in e-  
uacuandi rationem. At quotiescunq; partim  
fluere, & partim fluxisse cognoueris, fac di-  
strahas in duo ueluti capita curandi metho-  
dum, cum prospiciendo, tum curando: sed pri-  
mum, ne quid amplius fluat prospicere, dein-  
de quod fluxit curare oportet. Curabis quidē  
id euacuando, quod fluxit: prospicies uerō  
ne defluat, inhibendo. nam affectus qui præ-  
ter naturam nascuntur, semper de se composi-  
tas dant indicationes: quas felicissime tūc ex-  
equēris, cū exquisitē causam cognoueris, cur  
affluat materia: utrum aliunde delabatur,  
an sinib. affectæ partis coerceatur. Sublata  
enim causa, nihil uerendum est, quin cætera  
ex animi sententia tibi procedāt. idq; pro cer

to habendum est atque existimandum, ad reliquos præter naturam tumores, quod in uniuersum & raptim à me dicitur, optime posse accommodari, quanquam alij ex alia consurgunt materia. Perpetuò tamen te meminisse uolo, quod sæpe usurpare soleo, naturam rei esse tibi contemplandam, ne quid temere & inconsultò agas. Natura etenim similium partium, hoc est temperatura agendi modulum præscribit: dissimilium autem etiam locum in quo uersatur actio, rationem itidem euacuandi indicat. Vnde fit ut crebro ex multiplici natura rerum, plurimæ curandi indicationes exoriantur. quibus sane non omnibus promiscue dabis operam, sed certum ordinem tibi propones. Iis igitur unis, ante omnia uacabis, quæ cæteris & dignitate et magnitudine præstant. Ecquis, si qua corporis pars affecta in tumore sit, & à naturali habitu excidat, tum quia permulto sanguine oppleatur & redundet, tum quia supra modum caleat, ecquis inquam non intelligit hinc geminas indicationes prodire? alteram quidem, quæ suadet sanguinem

nem exhaurire, alteram uerò quæ hortatur partem refrigerare? Sed utri prius uacandū est? dicat quispiam. nempe illi quæ ostendit inanitionem aggrediendam esse: postremum alteri, per quam conijcimus partem æstuantē esse rebus frigidis temperandam. In herysipelate tamen ordo inuertitur, atq; ob id primū patiens locus refrigeratur, deinde euacuatur. Sed quacunq; aggredieris uia ipsam curatio-  
nem, fac semper modū teneas, siue euacues, siue deriuēs, siue reuellas: id quod te facturum esse mihi persuadeo, si partium illarum quæ tumescunt, & situm & naturam quā diligentissime spectaueris. Per magni enim interest, huic ne, an illi loco qui in tumorem attollitur, medearis. Alij sanē alius inaniendi modus, atq; alij subinde aliud medicamenti genus cōueniūt: alij non item. Oculi quidem inflammatio, posteaquam purgata est conuenienti medicamine, alius leuatur ac curatur. Iocino-  
ris uerò, tantum abest ut depellatur, ut plus atq; plus increseat. Renes itidem uesicamq; & uterū, quando inflāmatiō urget, illa phar



massa quibus inest facultas ciendi urinam, nō  
 modo non iuuant, sed magnopere lædunt, pro  
 pterea quod materia, quam ab effectis locis  
 auerti & reuelli oportet, in illa conuehitur  
 & deriuatur. Atq; hætenus de inflammatio-  
 ne. De herysipelate per pauca in medium ad-  
 ferā: deinde traditis quibusdam præceptis, fi-  
 nem dicendi statim faciam. Herysipelas igi-  
 tur est tumor præter naturam rubens, qui ex  
 flauæ bilis affluxu in cutem consurgit. unde  
 plerunque accidit, ut propter illius acrimoni-  
 am ulcuscula excitentur: interdum nulla con-  
 spiciantur. si nulla, à Græcis propriè *φλεγμονή*  
 appellatur: sin in cute efflorescant, *ἑρυσίπτελος*  
 nuncupatur. Sæpe autem bilis flaua commisce-  
 tur sanguine, aut alio humore: indeq; tumorē  
 à parte, quæ excellit & superat, nomen indi-  
 tur. At locus simplici herysipelate obseßus,  
 exhausta bili flaua, curatur & sanatur. Ex-  
 hauritur sanè, aut aliò repulsa, aut per hali-  
 tum foras excussa, & per cæcos meatus aman-  
 data. Non enim solum pars, quæ propter bi-  
 lis acrimoniam & calorem æstuat, hoc pa-  
 do



Et refrigeratur, uerum etiam qua deprime-  
batur, mole leuatur & liberatur. Exinanire  
tamen partem non antè aggredieris, quàm to-  
tum corpus aliquo medicamento agente bi-  
lem, exacte purgatum fuerit. Sed simulat-  
que materiam loco affecto egeris, medica-  
mina laxantia & leuiter detergentia, atque  
remollientia admoueabis: ut quod reliqui ad-  
hæsit, & induruit, extergatur & mollescat.  
licet id ipsum raro euenire soleat, nisi bilis a-  
lio misceatur humore, & heryspelas compo-  
situm efficiat. Porro compositum curare quis-  
que poterit, qui simplicis exquisitam metho-  
dum probè nouerit medendi. Sed animo sem-  
per uersari, et mentis aciem in illud figere o-  
portet, quod excellit, & magis urget. Prin-  
cipio enim oppugnandum, ita quidem ut cæ-  
tera nec prætermittas, nec si fieri possit ne-  
gligas. Reliquis tumoribus, perspecta cau-  
sa prius ob quam exoriuntur illi, facile mede-  
ri est. Qui namque methodum tenet curan-  
di unum, & item alterum, is ad alios tumor-  
es nullo negotio ipsam accommodare po-

terit: quoniã indicationes, quæ sumũtur à cau-  
sa morbi, quæq; ab alijs circũstantijs repetũ-  
tur, euacuandi rationem ostendũt, atq; morbiũ  
circumscribunt. Quocirca non est quod am-  
plius à me desideres singulorũ tumorum singu-  
las curationes: si illud unum memineris, in o-  
mnibus illis, humoris copiam atque modum,  
& potentiam, crassitudinisq; & tenuitatis,  
maxime uerò partium affectarum, naturam  
& situm spectare oportere. propterea quod  
aliæ sunt rariores, aliæ densiores & compa-  
ctiores: ideo medicamentis cuiusque generis,  
plus minus quàm ualidis, ac diuersis egent.  
Memoria itidem repetes, atque tecum consti-  
tues, ut omnes abscessus, qui ex humore te-  
nuisũt, quales melecetides sunt, trifariam cu-  
res, tum ferro, tum pharmaco, tum rebus dige-  
rentibus. aut enim materiam, quæcunque tu-  
mido loco coercetur, per halitum discute-  
re conuenit, aut purulentam & putrem red-  
dere medicamento opus est, aut ferro ex-  
cindere, quod si nihil proficias, ad igno-  
biliores partes deriuare expedit. In athero-  
ma-

mate satis est, partem excidere & putrefacere: in steatomate aut incidere duntaxat oportet. Sæpiissime cōspicias licebit huiusmodi abscessibus penitiores corporis partes infestatū iri, ita quidem, ut uiscus aliquod ipsi occupet, & alte insideant. Quocirca id temporis quo incipiunt infesti esse, præsentaneum medicamentum esse reor, quod habet facultatem dissoluedi humorem in halitum, hoc est digerendi uim & excutiendi. Id unum adhuc restat, quod præterijisse nolim, omnē tumorem, quoniam res est præter naturam, quæ indicat ut restituatur habitu naturali, si forte nequeas restituere, unā cum parte affecta, me iudice, præcides, moxq; curationem aggredieris, doloremq; ne inuehas cauebis, & à periculo quantum fieri poterit ægrum abduces. nullum autem periculū uitæ adduces, si sine tibi bene cōstituto, non frustraberis: ita ut quamuis paululum uacilles, & ab eo aliquantulum erres, nihil tamen noxæ ægro afferas. Nihil quoq; tibi erit uerendum, si uitiū sic sustuleris, ut etiā nō reuertatur. Hæc sunt Bonfadi, quæ mihi

in mentem uenerunt, dum tibi per cunctanti re  
 spōdeo. Quod si qua erūt, quæ obscure dicta  
 esse uideantur, breuitati meæ ignoscas. Sin fal  
 sò & temere exciderunt aliqua, putes me esse  
 hominem, nec potuisse omnia adamussim per  
 pendī. Nihil tamē dubito quā boni consulas,  
 si forte in ea incidās, quæ te possint offendere:  
 atq; adeò iudices hæc maiori ocio ac diligen  
 tiori studio castigari posse, si (quod aiūt) sub  
 incudem reuocentur. Tu interea animo cun  
 ctare repetes, & ubi plenè tibi satisfactum non  
 erit, per literas quā diligentissime me cer  
 tiorem facies. Bonf. Alio ne fortassis cogi  
 tas? Cass. Maxime. hoc uestperi negocijs, ut  
 scis, occupatus, soluere Patauio: cras, dijs ip  
 sis bene uolētibus, summo manē Venetias pro  
 ficiscar. Bonf. Bonis auib. sed fac breui ad  
 nos redeas, tu uerò Morzente secū ne profi  
 cisceris? Fr. Mor. Quid ni? nō poterā huic  
 itineri aptiorem uirū nancisci, quin etiam si nē  
 bil esset quod me Venetias reuocaret, hic u  
 nus me posset trahere. Bonfad. Rectè qui  
 dem: utinā mihi esset integrum, nam me quo  
 que


*que uobis comitem itineris adiungerem. Sed tu ubi primū appuleris, meo nomine plurimum salutabis Andreā Rabirium, & Iouitā Rapiciū, ciues Brixianos: quorum alterū quidem multum amo propter morum suauitatem & eruditionem, alterum uerò propter singularem doctrinam & miram in dicendo facilitatem & copiam. Franc. Sedulo id faciam. Tu uerò interea dum redeo, ualitudinem custodi. Vale.*

BASSIANI LANDI PLACENTINI  
medici & philosophi IATRO-  
LOGIAE Finis.

BASILEAE, EX OFFICI  
na Ioannis Oporini, Anno Salu-  
tis MDXLIII. Men-  
se Augusto.













72